

## 1991 nr. 91 31. desember

### Lög um meðferð einkamála

Tóku gildi 1. júlí 1992. *Breytt með l. 133/1993 (tóku gildi 1. jan. 1994; EES-samningurinn): V. viðauki tilskipun 64/221/EBE, VII. viðauki tilskipun 67/43/EBE, V. viðauki tilskipun 68/360/EBE og 72/194/EBE, VIII. viðauki tilskipun 73/148/EBE, 75/34/EBE og 75/35/EBE, VII. viðauki tilskipun 77/249/EBE og 89/48/EBE, VIII. viðauki tilskipun 90/364/EBE, 90/365/EBE og 90/366/EBE, I. 38/1994 (tóku gildi 1. júlí 1994), I. 15/1998 (tóku gildi 1. júlí 1998 nema 38. gr. sem tók gildi 3. apríl 1998), I. 36/1999 (tóku gildi 1. maí 1999), I. 97/1999 (tóku gildi 27. des. 1999; EES-samningurinn), I. 72/2003 (tóku gildi 10. apríl 2003), I. 7/2005 (tóku gildi 24. febr. 2005), I. 53/2008 (tóku gildi 7. júní 2008), I. 88/2008 (tóku gildi 1. jan. 2009 nema brábkv. VII sem tók gildi 21. júní 2008), I. 70/2009 (tóku gildi 30. júní 2009 nema 1.-3. gr., 12.-26. gr. og brábkv. V og VI sem tóku gildi 1. júlí 2009, 4. gr. sem tók gildi 1. sept. 2009 og brábkv. IV sem tók gildi 16. júní 2009; komu til framkvæmda skv. fyrirmálum í 29. gr., sbr. og I. 97/2009 (tóku gildi 3. sept. 2009)), I. 117/2010 (tóku gildi 23. sept. 2010) og I. 162/2010 (tóku gildi 1. jan. 2011).*

#### 1. þáttur. Almennar reglur um meðferð einkamála.

##### I. kaffli. Gildissvið laganna og dómkendur í héraði.

■ 1. gr. 1. Lög þessi taka til dómsmála sem hvorki sæta sérstakri meðferð eftir fyrirmælum annarra laga né eiga undir sérdómstóla lögum samkvæmt.

□ 2. Í héraði eiga mál samkvæmt lögum þessum undir hina reglulegu héraðsdómstóla eftir löggjöf um skipan dómsvalds í héraði.

■ 2. gr. 1. Einn dómarí skipar dóm í hverju máli nema [kvaddir verði]<sup>1)</sup> til meðdómsmenn skv. 2. eða 3. mgr.

□ 2. Ef deilt er um staðreynir sem eru bornar fram sem málstæður og dómarí telur þurfa sérkunnáttu í dómi til að leysa úr getur hann kvatt til two meðdómsmenn sem hafa slíka sérkunnáttu.

□ 3. Ef mál er umfangsmikið eða sakarefni mjög mikilvægt frá almennu sjónarmiði [getur dómstjóri ákveðið að þrír héraðsdómarar skipi dóm í málinu eða tveir héraðsdómarar með einum sérfróðum meðdómsmanni].<sup>1)</sup>

<sup>1)</sup> L. 15/1998, 36. gr.

■ 3. gr. 1. Þá eina má kveðja til setu í dómi sem sérfróða meðdómsmenn sem hafa nægilegan þroska og andlegt og líkamlegt heilbrigði, njóta íslensks ríkisborgararéttar, eru lög ráða og orðnir 25 ára, hafa forræði á búi sínu og hafa hvorki gerst sekir um refsívert athafi sem má telja svívirðilegt að almenningsáliti né sýnt af sér háttsemi sem getur rýrt það traust sem dómarar verða almennt að njóta.

□ 2. Hverjum þeim sem fullnægir skilyrðum 1. mgr. er skylt að verða við kvaðningu til starfa meðdómsmanns. Petta gildir þó ekki um hæstaréttardómara, [starfsmenn Hæstaréttar],<sup>1)</sup> ráðherra, ráðuneytisstjóra, biskupa, presta og forstöðumenn í viðurkenndum trúfélögum, umboðsmann Alþingis, ríkissoknara, sýslumenn, tollstjóra og lögreglustjóra og löglærða starfsmenn þeirra eða lögmenn og fulltrúa þeirra. Forstöðumanní ríkisstofnunar eða starfsmanni í heilbrigðisþjónustu verður heldur ekki gert að taka sæti meðdómsmanns ef sakarefnið varðar stofnun sem hann starfar við.

□ 3. . .<sup>2)</sup>

<sup>1)</sup> L. 15/1998, 36. gr. <sup>2)</sup> L. 15/1998, 35. gr.

■ 4. gr. 1. Meðdómsmenn skulu ekki taka sæti í dómi síðar en við upphaf aðalmeðferðar máls. Dómarí skal að öðru jöfnu greina aðilum frá því með fyrirvara hverja hann hyggist kveðja til setu í dómi, þannig að aðilum gefist kostur á að gera athugasemdir ef þeir telja efni til.

□ 2. Bókað skal um kvaðningu meðdómsmannana í máli þegar þeir taka fyrst sæti í dómi. Sé maður að gegna starfi sérfróðs meðdómsmannans í fyrsta sinn skal hann um leið undirrita bókun þar sem kemur fram drengskaparheit hans um að

hann muni jafnan gegna slíkum störfum af samviskusemi og óhlutdrægni og fara í öllu að lögum.

□ 3. Meðdómsmenn taka þátt í málsmeðferð og dómsuppssögu og hafa sömu réttindi og bera sömu skyldur og dómsformaður í því máli. Dómsformaður stýrir þó dómi, kveður einn upp úrskurði um annað en frávísun máls, þar á meðal um hæfi meðdómsmanns, gefur út kvaðningar og tilkynningar, annast gerð og staðfestingu dómsgerða og kemur fram út á við fyrir hönd dómsins.

□ 4. Dómsformaður ákveður þóknun sérfróðra meðdómsmanna. . .<sup>1)</sup>

<sup>1)</sup> L. 15/1998, 35. gr.

■ 5. gr. Dómarí, þar á meðal meðdómsmaður, er vanhæfur til að fara með mál ef:

a. hann er aðili að málinu eða fyrirsvarsmaður aðila,

b. hann hefur gætt réttar aðila varðandi sakarefnið eða veitt aðila ólögskyldar leiðbeiningar um það,

c. hann hefur borið eða verið kvaddur til að bera vitni um atvik málsins af réttmætu tilefni eða verið mats- eða skoðunarmaður um sakarefnið,

d. hann er eða hefur verið maki aðila, skyldur eða mægður aðila í beinan legg eða að öðrum lið til hlíðar eða tengdur aðila með sama hætti vegna ættleiðingar,

e. hann tengist eða hefur tengst fyrirsvarsmani eða málflytjanda aðila með þeim hætti sem segir í d-lið,

f. hann tengist eða hefur tengst vitni í málinu með sama hætti og segir í d-lið, mats- eða skoðunarmanni eða manni sem neitar að láta af hendi sönnunargagn,

g. fyrir hendi eru önnur atvik eða aðstæður sem eru fallnar til þess að draga óhlutdrægni hans með réttu í efa.

■ 6. gr. 1. Dómarí gætur að hæfi sínu og meðdómsmanni til að fara með mál af sjálfsdáðum, en aðili getur einnig krafist að hann eða þeir víki sæti.

□ 2. Dómarí kveður sjálfur upp úrskurð um kröfu aðila um að hann víki sæti, svo og ef hann víkur sæti af sjálfsdáðum.

□ 3. . .<sup>1)</sup>

□ 4. Þótt dómarí hafi vikið sæti ber honum að gera ráðstafanir sem eru nauðsynlegar til að halda máli í réttu horfi þar til annar dómarí tekur við því. Á þeim tíma getur hann einnig látið af hendi endurrit af málsskjölum og staðfest dómsgerðir.

<sup>1)</sup> L. 15/1998, 35. gr.

##### II. kaffli. Pinghöld, þingbækur o.fl.

■ 7. gr. 1. Dómarí stýrir þinghaldi og gætir þess að það sé háð eftir réttum reglum. Hann ákveður í hverri röð mál verða tekin fyrir. Enginn má taka til máls nema með leyfi dómarí og getur hann tekið orðið af manni sem heldur sig ekki við efni máls.

□ 2. Þegar einn maður situr í dómi skal að jafnaði vera einn þingvottur. Hann skal fullnægja almennum vitnaskilyrðum og má ekki vera svo venslaður dómarí, aðila, fyrirsvarsmani eða málflytjanda sem segir d-lið 5. gr. Ef þingvottur er ekki starfsmaður dómsstólsins ákveður dómarí þóknun hans úr hendi aðila.

■ 8. gr. 1. Pinghöld skulu háð í heyranda hljóði. Hvort sem aðili krefst þess eða ekki getur dómarí þó ákveðið að þinghald fari fram fyrir luktum dyrum ef það er háð utan reglulegs pingstaðar eða hann telur það nauðsynlegt:

a. til hlífðar aðila, vandamanni aðila, vitni eða öðrum sem málid varðar,

- b. vegna nauðsynjar aðila, vitnis eða annars sem málið varðar á því að halda leyndum atriðum varðandi hagsmuni í viðskiptum eða samsvarandi aðstöðu,
- c. vegna hagsmunu almennings eða ríkisins,
- d. af velsæmisástæðum,
- e. til að halda uppi þingfriði.
- 2. Bókað skal um ákvörðun dómara um lokun þinghalds og greint frá því af hverri ástæðu hún hafi verið tekin.
- 3. Þótt þinghald sé háð í heyrandi hljóði er dómara rétt að takmarka fjöldu áheyrenda við þá sem rúmast á þingstað með góðu móti. Dómari getur einnig meinað þeim aðgang sem eru yngri en 15 ára eða þannig á sig kommir að návist þeirra samræmist ekki góðri reglu við þinghaldi.
- **9. gr.** 1. Óheimilt er að hljóðrita eða taka myndir í þinghaldi. Dómari getur veitt undanþágu frá þessu banni ef sérstaklega stendur á.
- 2. Óheimilt er að skýra opinberlega frá því sem gerist í lokuðu þinghaldi án leyfis dómara. Þótt þinghald sé háð í heyrandi hljóði getur dómari bannað að skýrt verði opinberlega frá því sem gerist þar, enda kynni hann ákvörðun sína um það viðstöddum og bóki um hana. Brot gegn þessu varðar sektum nema þyngri refsing liggi við eftir öðrum lögum.
- 3. Dómara er rétt að vísa manni úr þinghaldi ef návist hans horfir til truflunar þingfriði eða framkoma hans er óviðeigandi í orði eða verki. Ef um aðila er að ræða, fyrirsvarsman hans eða málflytjanda skal dómari þó að jafnaði áminna hann og gefa honum kost á að bæta ráð sitt áður en af brottvisun verður. Ákvörðun dómara um að víkja manni úr þinghaldi má framfylgja með lögregluvaldi ef með þarf. Bókað skal um brottvikningu manns ef aðili, fyrirsvarsmaður hans eða málflytjandi á í hlut.
- **10. gr.** 1. Þingmálið er íslenska.
- 2. Nú gefur maður skýrslu fyrir dómi sem kann ekki íslensku nægilega vel, og skal þá aðilinn sem hlutast til um skýrslugjöfina kalla til löggiltan dómtúlk. Dómari kveður þó til löggiltan dómtúlk ef það leiðir af samningi við erlent ríki. Sé ekki kostur á löggiltum dómtúlki er dómara rétt að samþykka að annar hæfur maður annist þýðingu, en sá skal þá undirrita heit í þingbók um að hann muni rækja starfann eftir bestu getu og ber honum að staðfesta þýðingu sína fyrir dómi ef hún er vefengd. Aðilinn greiðir kostnað af starfa túlks, en kostnaðurinn skal þó greiddur úr ríkissjóði í einkarefsimálum og málum um faðerni barna og lögræðisvíptingar, svo og ef dómari kveður til dómtúlk vegna ákvæða samnings við erlent ríki.
- 3. Skjali á erlendu tungumáli skal að jafnaði fylgja þýðing á íslensku að því leyti sem er byggt á efni þess í máli nema dómari telji sér fært að þýða það. Komi aðilar sér ekki sjálfir saman um rétta þýðingu skjals skal hún gerð af löggiltum skjalaþýðanda. Sé ekki kostur á löggiltum skjalaþýðanda má leggja fram þýðingu annars hæfs manns, en honum ber að staðfesta hana fyrir dómi ef hún er vefengd. Um kostnað af starfa þýðanda fer sem segir í 2. mgr.
- 4. Ef maður, sem á að gefa skýrslu fyrir dómi, er ekki fær um að eiga orðaskipti á mæltu máli skal aðilinn sem hlutast til um skýrslugjöfina kalla til kunnáttumann til aðstoðar. Um heit slíks manns, staðfestingu og kostnað af starfa fer eftir ákvæðum 2. mgr. Dómari getur þó ákveðið í stað þess að eftir atvikum verði spurningar lagðar fyrir hlutaðeiganda eða hann svari þeim skriflega fyrir dómi.
- **11. gr.** 1. Við hvern héraðsdómstól skulu vera þingbækur til afnota í einkamálum. Dómara er rétt að láta vélrita eða rita á tölvu það sem væri ella fært í slíka bók, en það sem er skráð með þeim hætti skal þá varðveitt í prentuðu formi með áritun dómara um staðfestingu og síðan heft eða bundið saman sem þingbók.
- 2. Þegar dómþing er háð skal rita skýrslu í þingbók um það sem fer fram. Þar skal jafnan skráð hvar og hvenær þinghald fer fram, nafn dómara sem fer með mál sem er tekið fyrir, gögn sem eru lögð fram, hverjur mæta í máli og koma fyrir dóm og hvað hafi verið afráðið um rekstur máls, svo og ákvæðanir dómara og úrskurði sem hann kveður upp jafnharðan undir rekstri máls. Einnig er rétt að bóka um yfirlýsingar af hendi aðila sem hafa ekki komið fram skriflega. Ef önnur ákvæði þessara laga mæla ekki fyrir um að bókað verði um tiltekin atriði ákveður dómari að öðru leyti hvað verði skráð í þingbók og undirritað það sem hefur verið bókað að loknu þinghaldi. Ef dómari telur ástæðu til er honum rétt að kynna þeim sem mæta í þinghaldi efni bókunar í heild eða að hluta og gefa hlutaðeigendum kost á að undirrita hana.
- 3. Það sem kemur fram við munnlega sönnunarfærslu skal hljóðritað, tekið upp á myndband eða ritad í þingbók eftir ákvörðun dómara. Dómari getur einnig ákveðið að taka upp eða skrá útdrátt sinn af framburði, en hlutaðeiganda skal þá gefinn kostur á að koma að athugasemdu um það sem er haft eftir honum og um framkvæmd skýrslutökunnar.
- **12. gr.** 1. Við hvern héraðsdómstól skal haldin dómabók sem hefur að geyma dóma, svo og úrskurði sem fela í sér niðursiðu máls, undirritaða af dómara.
- 2. Enn fremur skal halda skrá við hvern héraðsdómstól yfir þau mál sem koma til úrlausnar eftir þessum lögum.
- **13. gr.** 1. Skjöl, sem eru lögð fram í dómi, skulu vera í frumriti séu þau tiltaek. Pau skulu merkt í áframhaldandi töluröð og vottuð um framlagningu. Sá sem leggur fram skjal skal láta í té þann fjölda eftirrita af því sem dómari mælir fyrir um og afhendir jafnframt öðrum aðilum máls eftirrit.
- 2. Framlögð skjöl skulu varðveitt í skjalasafni hlutaðeigandi dómstóls þar til þau verða afhent Þjóðskjalasafni. Ef aðili, sem hefur lagt fram skjal, þarf á því að halda þegar máli er lokið skal afhenda honum frumrit þess eða myndrit, en sé frumrit látíð af hendi skal myndrit varðveitt í þess stað. Meðan máli er ólokið verður frumrit skjals ekki afhent nema aðilar séu því samþykkir eða ekkert eða óverulega er byggt á efni þess og dómari telur mega láta það af hendi gegn því að myndrit komi í stað þess.
- 3. Öðrum en aðila máls verður ekki afhent frumrit skjals nema með samþykki þess sem lagði það fram, sbr. þó 3. mgr. 69. gr.
- 4. Hljóðratanir og myndbönd skv. 3. mgr. 11. gr. skulu varðveitt í minnst þjú ár frá lokum dómssmáls.
- **14. gr.** 1. Dómara er skylt gegn greiðslu gjalds að láta þeim sem hafa lögvarkinna hagsmuna að gæta í té staðfest eftirrit af málsskjónum og úr þingbók eða dómabók, . . .<sup>1)</sup> svo fljótt sem við verður komið og ekki síðar en innan mánaðar frá því þess er óskað.
- [2.] Áður en endurur úr þingbókum og dómabókum eru afhent öðrum en aðilum máls skal ef sérstök ástæða er til afmá úr þeim atriði sem eðlilegt er að leynt fari með tilliti til almannar- eða einkahagsmuna.]<sup>2)</sup>
- [3.]<sup>2)</sup> Meðan mál er rekið í héraði, unnt er að skjóta því til æðra dóms eða mál er rekið fyrir æðra dómi er dómara skylt gegn greiðslu gjalds að láta viðkomendum í té [eftirgerð af hljóðupptöku eða myndbandsupptöku]<sup>1)</sup> skv. 3. mgr. 11. gr. eða leyfa þeim að hlýða á slíkar upptökur, svo fljótt sem við

verður komið eftir að þess er óskað. Eftir þann tíma má verða við ósk þess efnis ef sérstakar ástæður mæla með því.

□ [4.]<sup>2)</sup> Dómara er heimilt að krefjast fyrirframgreiðslu áætlaðs gjalda skv. 1. og 2.<sup>3)</sup> mgr.

□ [5.]<sup>2)</sup> Telji dómari óheimilt eða óskykt að verða við ósk um eftirrit eða leyfi til að hlýða á upptöku kveður hann upp úrskurð um það ef þess er krafist.

<sup>1)</sup> L. 38/1994, 1. gr. <sup>2)</sup> L. 36/1999, 48. gr. <sup>3)</sup> Nú 3. mgr., sbr. l. 36/1999, 48. gr.

■ **15. gr.** [Innanríkisráðherra]<sup>1)</sup> setur nánari ákvæði í reglugerð<sup>2)</sup> um:

- a. málaskrár,
- b. þingbækur, þar á meðal færslu þeirra með ritvél og á tölvu,
- c. búnað til hljóðritunar og myndbandsupptöku í þinghöldum,
- d. dómbabækur,
- [e.]<sup>3)</sup> varðveislu málsskjala, hljóðritana og myndbanda.

<sup>1)</sup> L. 162/2010, 126. gr. <sup>2)</sup> Rg. 188/2009. <sup>3)</sup> L. 38/1994, 2. gr.

### III. kaffi. Aðild og fyrirsvar.

■ **16. gr.** 1. Aðili dómstmáls getur hver sá verið, einstaklingur, félag eða stofnun, sem getur átt réttindi eða boríð skyldur að landslögum. Dómstólar hafa vald til að dæma mál allra þeirra sem geta verið aðilar nema undantekningar séu gerðar í lögum eða samkvæmt þjóðarretti.

□ 2. Varnir byggðar á aðildarskorti leiða til sýknu ef fallist er á þær.

■ **17. gr.** 1. Maður kemur sjálfur fram í máli sínu ef hann er hæfur að lögum til að ráðstafa sakarefninu.

□ 2. Ef maður búsettur erlendis telst hæfur til að koma sjálfur fram í dómstmáli eftir lögum heimalands síns skal honum talið það heimilt hér á landi. Ef hann telst hæfur til þess að íslenskum lögum skiptir ekki máli hvort svo sé að lögum heimalands hans.

□ 3. Lögráðamaður kemur fram sem fyrirsvarsmaður ólögráða manns sem á aðild að máli og brestur hæfi til að ráðstafa sakarefninu.

□ 4. Stjórnendur félaga, stofnana eða samtaka koma fram einir eða fleiri í sameiningu sem fyrirsvarsmann slíksra aðila eftir því sem leiðir af almennum reglum.

□ 5. Þegar ríkið eða sveitarfélag á aðild að máli, stofnun eða fyrirtæki þess eða einstök stjórnvöld, kemur sá fram sem fyrirsvarsmaður sem hefur ákvörðunarvald um þá hagsmuni aðilans sem sakarefnið varðar, nema mælt sé á annan veg í lögum.

□ 6. Nú flytur aðili mál sitt sjálfur eða fyrirsvarsmaður og dómari telur hann ófærar um að gæta þannig hagsmunu sinna, og skal þá dómari leggja fyrir hann að ráða sér hæfan umboðsmann til að flytja málið. Hafi hlutaðeigandi ekki orðið við því þegar mál er tekið næst fyrir má fara með það eins og hann hefði ekki sótt þing.

■ **18. gr.** 1. Nú eiga fleiri en einn óskipt réttindi eða bera óskipta skyldu, og eiga þeir þá óskipta aðild.

□ 2. Ef þeim sem bera óskipta skyldu er ekki öllum veittur kostur á að svara til sakar skal vísa máli frá dómí. Það sama á við ef þeir sem eiga óskipt réttindi sækja ekki mál í sameiningu, að því leyti sem krafa er höfð uppi um hagsmuni einhvers þeirra sem á ekki aðild að því.

□ 3. Ef þeir sem eiga óskipta aðild sækja ekki allir þing skulu þeir sem gera það teljast hafa heimild til að skuldbinda hina.

□ 4. Nú eru kröfur eða yfirlýsingar þeirra sem eiga óskipta aðild ósamrýmanlegar, og skal þá telja aðilana alla bundna

við þá kröfu eða yfirlýsingu sem er gagnaðila hagkvæmust, nema sýnt sé að hún sé röng eða þann sem setti hana fram hafi sér að ósekkju skort vitneskju um málsatvik eða stöðu sína að lögum.

■ **19. gr.** 1. Fleiri en einum er heimilt að sækja mál í félagi ef dómkröfur þeirra eiga rætur að rekja til sama atviks, aðstöðu eða löggernings. Með sömu skilyrðum má sækja fleiri en einn í sama máli. Ella skal vísa máli frá dómí að kröfu varnaraðila að því er hann varðar.

□ 2. Sækja má fleiri en einn í sama máli með þeim hætti að kröfum sé aðallega beint að einum þeirra en að öðrum til vara ef skilyrðum 1. mgr. er fullnægt. Ella skal vísa frá dómí kröfum á hendur þeim sem eru sóttir til vara ef þeir krefjast þess.

□ 3. Nú vill sóknaraðili stefna nýjum aðila eftir þingfestingu máls til að svara til sakar með þeim sem hann hefur þegar stefnt, og er það þá því aðeins heimilt að skilyrðum 1. mgr. sé fullnægt og sóknaraðila verði ekki metið til vanrækslu að hann hafi ekki stefnt nýja aðilanum áður en málið var þingfest.

■ **19. gr. a.** 1. Þremur aðilum eða fleiri, sem eiga kröfur á hendur sama aðila sem eiga rætur að rekja til sama atviks, aðstöðu eða löggernings, er í stað þess að sækja mál skv. 1. mgr. 19. gr. heimilt að láta málsóknarfélag, sem þeir eiga hlut að, reka í einu lagi mál um kröfur þeirra allra. Málsóknarfélag skal stofnað til að reka tiltekið mál fyrir dómí og er hvorki heimilt að takmarka ábyrgð félagsmanná á skuldbindingum félagsins né láta það starfa við annað en rekstur málsins og eftir atvikum fullnustu á réttindum félagsmanná og uppgjör krafna þeirra. Séu málsóknarfélagi ekki settar sérstakar samþykktir skulu gilda um það almennar samþykktir sem [ráðherra]<sup>1)</sup> ákvæður í reglugerð.<sup>2)</sup> Halda skal skrá um félagsmenn. Verði málsóknarfélag skrásett skal ekki greitt fyrir það gjald í ríkissjóð.

□ 2. Þótt málsóknarfélag eigi aðild að máli eiga félagsmenn hver fyrir sitt leyti þá hagsmuni sem málið varðar og njóta þar sömu stöðu og aðilar að því leyti sem annað leiðir ekki af ákvæðum þessarar greinar. Í stefnu skal dómkrafa gerð í einu lagi í nafni félagsins en greint skal allt að einu frá félagsmönnum, svo og hvern hlut hver þeirra eigi í kröfu sé hún um greiðslu peningafjárhæðar. Í dómí skal kveðið á um kröfu eða önnur réttindi félagsins á hendur gagnaðila án þess að félagsmanna sé getið. Félagið fer í hvívetna með forræði á máli svo að bindandi sé fyrir félagsmenn, þar á meðal til að fella það niður eða ljúka því með dómsátt. Ef því er að skipta leitar félagið í eigin nafni fullnustu réttinda félagsmanná að máli loknu. Leita má fullnustu á réttindum á hendur málsóknarfélagi hjá félagsmönnum sjálfum.

□ 3. Nú gengur nýr aðili í málsóknarfélag eftir að mál er höfðað en áður en aðalmeðferð þess er hafin og getur þá félagið aukiað við dómkröfur sínar í þágu nýja félagsmannsins. Slík breyting á dómkröfum skal eftir þörfum gerð með framhaldsstefnu og gildir þá ekki það skilyrði 29. gr. að féluginu verði ekki metið til vanrækslu að hafa ekki gert kröfur sínar í einu lagi í öndverðu.

□ 4. Segi félagsmaður sig eftir höfðun máls úr málsóknarfélagi fer það ekki lengur með forræði á hagsmunum hans sem málið varðar og ber féluginu að breyta dómkröfum sínum að því leyti sem úrsögn gefur tilefni til. Dæma má félagsmann, sem svo er ástatt um, til að greiða hlut í málskostnaði sem gagnaðila félagsins kann að verða ákvæðinn.<sup>3)</sup>

<sup>1)</sup> L. 162/2010, 126. gr. <sup>2)</sup> Rg. 818/2010. <sup>3)</sup> L. 117/2010, 1. gr.

■ **20. gr.** Priðja manni er heimilt að ganga inn í mál annarra ef úrslit þess skipta hann máli að lögum. Skal hann þá stefna báðum eða öllum upphaflegu aðilunum og gera kröfum að honum verði leyfð meðalgangan og dæmt sakarefnioð eða dómur annars felldur þannig að réttur hans verði vernd-áður.

■ **21. gr.** 1. Ef úrslit máls geta skipt þriðjamann máli að lögum getur aðili stefnt honum og skorað þannig á hann að veita sér styrk í málínu eða gæta þar annars réttar síns.

□ 2. Mæti þriðji maður í málí en gerist ekki aðili að því verða kröfur ekki gerðar á hendur honum og getur hann ekki gert kröfum um annað en málskostnað sér til handa. Honum er allt að einu rétt að afla gagna í málí og flytja það af sinni hendi að því leyti sem það varðar hann að lögum.

■ **22. gr.** 1. Ef sóknaraðili framselur þau réttindi sem dómkrafa hans varðar eftir að mál er höfðað en áður en það er tekið til dóms tekur nýi eigandinn í hans stað við aðild að málínu í því horfi sem það er.

□ 2. Ef sóknaraðili deyr á þeim tíma sem segir í 1. mgr. tekur dánarbú hans við aðild að málínu ef þau réttindi, sem dómkrafan varðar, áskotnast því. Að öðrum kosti fellur málíð niður en dæma má dánarbúið til greiðslu málskostnaðar.

□ 3. Ef bú sóknaraðila er tekið til gjaldþrotaskipta á þeim tíma sem segir í 1. mgr. tekur þrotabú hans við aðild að málínu ef þau réttindi, sem dómkrafan varðar, áskotnast því. Falli réttindi niður vegna gjaldþrotaskipta fellur mál jafnframti niður.

■ **23. gr.** 1. Nú afhendir varnaraðili hlut eða réttindi sem hann er sóttur til að láta af hendi eftir að mál er höfðað, og má þá sóknaraðili allt að einu halda málínu áfram gegn upphaflegum varnaraðila. Verður sá sem leiðir rétt sinn frá varnaraðila þá bundinn af dómi í málínu nema hann hafi eignast hlut eða réttindi með þeim hætti að réttur annarra glatist gagnvart honum.

□ 2. Ef varnaraðili deyr á þeim tíma sem segir í 1. mgr. tekur dánarbú hans við aðild að málínu ef þær skyldur, sem dómkrafan varðar, falla á það. Að öðrum kosti fellur málíð niður en dæma má dánarbúið til greiðslu málskostnaðar.

□ 3. Ef bú varnaraðila er tekið til gjaldþrotaskipta á þeim tíma sem segir í 1. mgr. tekur þrotabú hans við aðild að málínu ef þær skyldur, sem dómkrafan varðar, falla á það. Sóknaraðili getur þó krafist að dómur gangi aðeins á hendur þrotamanni eða bæði á hendur honum og þrotabúinu.

#### IV. kafli. Sakarefni.

■ **24. gr.** 1. Dómstólar hafa vald til að dæma um hvert það sakarefni sem lög og landsréttur ná til nema það sé skilið undan lögsögu þeirra samkvæmt lögum, samningi, venju eða eðli sínu. Eigi sakarefni ekki undir dólmstóla vísar dómarí málí frá dómi.

□ 2. Nú telur dómarí að mál eigi undir annan dólmstól eða það beri að reka eftir reglum um meðferð [sakamála]<sup>1)</sup> eða meðferð ágreiningsmála vegna fullnustugerða eða búskipta, og vísar hann þá málí frá dómi.

<sup>1)</sup> L. 88/2008, 234. gr.

■ **25. gr.** 1. Dómstólar verða ekki krafðir álits um lögfræðileg efni eða hvort tiltekið atvik hafi gerst nema að því leyti sem er nauðsynlegt til úrlausnar um ákveðna kröfum í dómsmáli.

□ 2. Nú hefur sóknaraðili lögvarða hagsmuni af því að skor-í sé úr um tilvist eða efni réttinda eða réttarsambands, og getur hann þá leitað viðurkenningardóms um kröfur sínar í

þeim efnum. Gildir þetta án tillits til þess hvort honum væri þess í stað unnt að leita dóms sem mætti fullnægja með aðför. □ 3. Félag eða samtök manna geta í eigin nafni rekið mál til viðurkenningar á tilteknum réttindum félagsmannar eða lausnar undan tilteknum skyldum þeirra, enda samrýmist það tilgangi félagsins eða samtakanna að gæta þeirra hagsmuna sem dómkrafan tekur til.

■ **26. gr.** 1. Ef mál er höfðað til úrlausnar um rétt eða skyldu sem sóknaraðili játar eða sýnt er á annan hátt að sé ekki enn orðin til skal vísa málí frá dómi.

□ 2. Nú er krafist dóms um skyldu, sem mætti fullnægja með aðför, og hún reynist hvíla eða geta hvílt á varnaraðila, en sá tími er ókominn sem hann verður krafinn um efndir hennar þegar mál er dómtkið, og skal þá sýkna varnaraðila að svo stöddu.

■ **27. gr.** 1. Í einu málí má sækja allar kröfur á hendur sama aðila sem eru samkynja eða eiga rætur að rekja til sama atviks, aðstöðu eða löggernings. Öðrum kröfum verður vísað frá dómi ef varnaraðili krefst.

□ 2. Hafi aðili ekki sótt allar kröfur sínar í málí, sem hann mátti skv. 1. mgr., er honum heimilt að sækja afgang þeirra í öðru málí, en ekki má þá dæma varnaraðila til að greiða málskostnað í nýja málínu nema sýnt þyki að ekki hafi verið unnt að höfða mál í upphafi um allar kröfurnar eða það hefði leitt til tilfinnanlegra tafa eða óhagræðis.

■ **28. gr.** 1. Varnaraðila er rétt að hafa uppi gagnkröfu til skuldajafnaðar í málí án þess að gagnstefna ef skilyrði fyrir skuldajöfnuði eru fyrir hendi. Gagnkrafan skal þá höfð uppi í greinargerð en sjálfstæður dómur getur ekki gengið um hana.

□ 2. Með gagnstefnu er varnaraðila heimilt að hafa uppi gagnkröfu í málí til sjálfstæðs dóms og eftir atvikum skuldajafnaðar ef gagnkrafan er samkynja aðalkröfunni eða þær eiga báðar rætur að rekja til sama atviks, aðstöðu eða löggernings eða samið hefur verið um að sækja mætti gagnkröfuna í málí um aðalkröfuna. Gagnsök verður að höfða innan mánaðar frá þingfestingu aðalsakar.

□ 3. Gagnkröfu má hafa uppi eftir þann tíma sem segir í 1. og 2. mgr. ef það er gert fyrir aðalmeðferð málí og það verður ekki metið varnaraðila til vanrækslu að hafa ekki gert gagnkröfu sína í tæka tíð.

■ **29. gr.** Með framhaldsstefnu er heimilt að auka við fyrri kröfum eða hafa uppi nýja kröfum í málí eftir pingfestingu en fyrir aðalmeðferð þess ef skilyrðum 1. mgr. 27. gr. er fullnægt og það verður ekki metið aðilanum til vanrækslu að hafa ekki gert kröfur sínar í einu lagi í öndverðu.

■ **30. gr.** 1. Þyki dómararéttur eða hagræðis getur hann ákveðið að ósk eins eða fleiri aðila að sameina tvö eða fleiri mál:

a. ef þau eru rekin milli sömu aðila og unnt hefði verið að höfða eitt mál um allar kröfurnar skv. 1. mgr. 27. gr.,

b. ef þau eru rekin milli sömu aðila og unnt hefði verið að höfða annað málíð sem gagnsök í hinu skv. 2. mgr. 28. gr.,

c. ef höfða hefði mátt eitt mál um kröfurnar skv. 1. mgr. 19. gr.

□ 2. Dómari getur ekki sameinað mál eftir ákvæðum 1. mgr. gegn mótmælum aðila ef það hefði varðað frávísun eftir kröfum hans að höfða málíð þannig í öndverðu.

□ 3. Þyki dómararéttur eða hagræðis getur hann ákveðið af sjálfssáðum að aðskilja kröfur sem eiga ekki rætur að rekja til sama atviks, aðstöðu eða löggernings en eitt mál er rekið um, þannig að farið verði með hvora eða hverja þeirra í sjálfstæðu málí.

■ **31. gr.** 1. Eftir ósk annars eða beggja aðila getur dómari ákveðið að skipta sakarefni þannig að fyrst verði dæmt sérstaklega um tiltekin atriði máls meðan önnur atriði þess hvíla og bíða þess að verða dæmd.

□ 2. Ef sakarefni er skipt í máli um skaðabætur þannig að fyrst sé dæmt um bótaskyldu getur dómari orðið við kröfu sóknaraðila um það að í dómi um þá skyldu verði kveðið á um hæfilega fjárhæð sem varnaraðila beri þegar að greiða upp í væntanlegar bætur.

#### V. kafli. Varnarþing.

■ **32. gr.** 1. Sækja má mann fyrir dómi í þinghá þar sem hann á skráð lögheimili. Eigi maður fasta búsetu í annarri þinghá en þar sem lögheimili hans er skráð má einnig sækja hann í þeirri þinghá.

□ 2. Mann, sem á hvergi skráð lögheimili, má sækja í þinghá þar sem hann hefur fasta búsetu. Sé ókunnugt um fastan búsetustað má sækja hann í þinghá þar sem hann dvelst eða ella þar sem hann er staddir þegar stefna er birt.

□ 3. Íslenskan ríkisborgara, sem er búsettur erlendis en verður ekki sóttur þar, má sækja fyrir dómi í Reykjavík ef hann á ekki skráð lögheimili í annarri þinghá.

□ 4. Sækja má mann, sem er búsettur erlendis, í þeirri þinghá þar sem hann er staddir við birtingu stefnu ef mál varðar fjárskyldu hans við mann sem er búsettur hér á landi eða félag, stofnun eða samtök sem eiga varnarþing hér.

□ 5. Ólögráða maður verður sóttur í þinghá þar sem sækja mætti lögráðamann hans skv. 1.–4. mgr. ef hann hefur ekki sjálfur forræði á sakarefninu.

■ **33. gr.** 1. Skrásett félag eða firma má sækja í þeirri þinghá þar sem varnarþing þess er skráð. Ef stjórnarstöð þess er í annarri þinghá en þar sem varnarþing er skráð má einnig sækja það í þeirri þinghá. Ef mál varðar skrásett útbú félags eða firma má sækja það í þeirri þinghá þar sem útibúið er.

□ 2. Óskrásett félag eða firma má sækja í þeirri þinghá þar sem heimili þess telst vera samkvæmt samþykktum þess eða stjórnarstöð þess er. Einig má sækja það í þeirri þinghá þar sem fyrirsvarsmaður þess yrði sjálfur sóttur skv. 32. gr. Það sama á við um annars konar óskrásett samtök eða stofnanir sem ákvæði 3. og 4. mgr. taka ekki til.

□ 3. Ríkið verður sótt fyrir dómi í Reykjavík. Sé máli beint að stjórnvaldi fyrir ríkisins hönd og það hefur stjórnarstöð í annarri þinghá má þó sækja það í þeirri þinghá. Sveitarfélag verður með sama skilorði sótt í þeirri þinghá sem það heyrir til.

□ 4. Stofnun eða fyrtæki ríkisins eða sveitarfélags eða stjórnvald þess má sækja í þeirri þinghá þar sem það hefur stjórnarstöð.

■ **34. gr.** 1. Ef skoðun fasteignar getur orðið nauðsynleg í máli sem varðar hana má sækja það í þeirri þinghá þar sem hún er. Það sama á við um önnur mál um réttindi yfir fasteign, svo og mál þar sem sóttar eru kröfur sem rísa af slískum réttindum.

□ 2. Ef fasteign er í fleiri þinghám en einni eða mál varðar fleiri fasteignir en eina sem eru ekki í sömu þinghá má sækja mál skv. 1. mgr. í einhverri þeirra.

■ **35. gr.** 1. Mál til efnda á eða lausnar undan löggermingi eða vegna vanefnda eða rofa á löggerningi má sækja í þeirri þinghá þar sem átti að efna hann eftir hljóðan hans, tilætlun aðila eða réttarreglum.

□ 2. Víxil- og tékkamál má sækja í þeirri þinghá þar sem greiðslustaður víxilsins eða tékkans er. Hafi greiðslustaður víxils eða tékka verið erlendis má sækja mál um hann í þeirri

þinghá, þar sem sá sem innheimtir hann hefur stjórnarstöð, enda sé um banka að ræða, sparisjóð eða annan þann sem hefur skuldheimtu að atvinnu.

■ **36. gr.** 1. Mál til greiðslu á andvirði vöru eða þjónustu, sem hefur verið fengin eða þegin í verslun eða annarri fastri starfstöð, má sækja í þeirri þinghá þar sem verslunin eða starfstöðin er ef það er atvinna upphaflega skuldareigandans að láta slíka vöru eða þjónustu í té.

□ 2. Hafi vara eða þjónusta verið látin í té í útibúi upphaflegs skuldareiganda hér á landi verður heimildar skv. 1. mgr. aðeins neytt til að sækja mál í þeirri þinghá þar sem útibúið er.

□ 3. Nú hefur vara eða þjónusta verið látin í té erlendis með þeim hætti sem segir í 1. mgr., og má þá höfða mál til greiðslu á andvirði hennar í þeirri þinghá þar sem sá sem hefur kröfuna til innheimtu hér á landi hefur starfstöð, enda hafi hann skuldheimtu að atvinnu.

■ **37. gr.** Mál vegna kaupa á vöru eða þjónustu hér á landi má kaupandi sækja í þinghá þar sem hann yrði sjálfur sóttur skv. 32. eða 33. gr.

■ **38. gr.** 1. Mál til greiðslu vinnulauna má sækja í þeirri þinghá þar sem vinnan var leyst af hendi eða í einhverri þeirra hafi verið unnið víðar.

□ 2. Sjómenn mega sækja mál til greiðslu fyrir vinnu sína í þeirri þinghá þar sem skip er skráð.

□ 3. Peir sem leysa störf sín af hendi um borð í loftfari mega sækja mál til greiðslu vinnulauna í þeirri þinghá þar sem loftfarið er skráð.

■ **39. gr.** 1. Útgerðarmann má sækja í máli varðandi útgerðina í þeirri þinghá þar sem skip er skráð. Það sama á við um mál á hendur skipstjóra eða skipshöfn vegna skyldustarfa þeirra.

□ 2. Mál um björgunarlaun má höfða í þeirri þinghá þar sem bjargað var eða það sem var bjargað var flutt í land.

□ 3. Ef krafa er tryggð með sjóveði í skipi, farmi eða farmgjaldi og sjóveðið hefur verið kyrrsett má höfða mál um kröfuna í þeirri þinghá þar sem kyrrsetning fór fram.

■ **40. gr.** Ef mál á rætur að rekja til fjárvörlu eða reikningshalds má sækja það í þeirri þinghá þar sem fjárvarslan eða reikningshaldið fór fram.

■ **41. gr.** Mál til skaðabóta, refsingar eða annarrar fullnustu vegna réttarbrots utan samninga má sækja í þeirri þinghá þar sem brot var framið eða í einhverri þeirra ef brot var framið víðar.

■ **42. gr.** 1. Ef kröfum er beint að fleiri en einum aðila í sama máli má sækja það á varnarþingi hvers þeirra sem er.

□ 2. Gagnkrafa og gagnsök skal jafnan sótt á varnarþingi aðalsakar.

□ 3. Aðilum er rétt að semja um meðferð máls í hverri þinghá sem er.

■ **43. gr.** 1. Ákvæðum 34.–42. gr. verður beitt til að sækja mann sem er búsettur erlendis, svo og félag, firma, stofnun eða samtök sem er eins ástatt um, nema annað leiði af samningi við erlent ríki.

□ 2. Ákvæði þessa kafla raska ekki gildi sérreglna um varnarþing eftir öðrum lögum.

#### 2. þáttur. Sönnun og sönnunargögn.

#### VI. kafli. Almennar reglur um sönnun.

■ **44. gr.** 1. Dómari sker úr því hverju sinni eftir mati á þeim gögnum sem hafa komið fram í máli hvort staðhæfing um

umdeild atvik teljist sönnuð, enda bindi fyrirmæli laga hann ekki sérstaklega um mat í þessum efnum.

2. Sá sem ber fyrir sig venju eða erlenda réttarreglu verður að leiða tilvist og efni hennar í ljós.

3. Ekki þarf að sanna það sem er alkunnugt á þeim stað og tíma sem dómur eða úrskurður gengur.

■ **45. gr.** Yfirlýsing aðila, sem er gefin fyrir dómi og felur í sér ráðstöfun á sakarefni, bindur hann eftir reglum um gildi loforða ef hann hefur forræði á því.

■ **46. gr.** 1. Aðilar afla sönnunargagna ef þeir fara með forræði á sakarefni.

2. Eftir því sem dómarí telur nauðsynlegt til skýringar á máli er honum rétt að beina því til aðila að afla gagna um tiltekin atriði þess.

3. Ef dómarí telur bersýnilegt að atriði, sem aðili vill sanna, skipti ekki máli eða að gagn sé tilganglaust til sönnunar getur hann meinað aðila um sönnunarfærslu.

■ **47. gr.** 1. Öflun sönnunargagna skal að jafnaði fara fram fyrir þeim dómarí sem fer með málid. Ef þessu verður ekki komið við nema með verulegum kostnaði eða óhagræði getur dómarí ákveðið eftir ósk aðila að gagnaöflun megi fara fram fyrir öðrum dómi samkvæmt ákvæðum XI. kafla, enda leiði það ekki til óþarfra tafa á rekstri máls.

2. Ákvæði 1. mgr. girða ekki fyrir að byggt verði á sönnunargagni sem er aflað eftir ákvæðum XII. kafla áður en mál er höfðað.

## VII. kafli. Skýrslugjöf aðila.

■ **48. gr.** 1. Aðila er jafnan heimilt að gefa skýrslu um málsatvik fyrir dómi í máli sínu nema dómarí telji sýnilegt að hún sé þarflaus eða tilganglaus.

2. Eftir kröfum gagnaðila og með sama skilorði og segir í 1. mgr. er dómarí rétt að kveðja aðila fyrir dómi til að gefa skýrslu um málsatvik.

3. Dómarí getur af sjálfsdáðum kvatt aðila fyrir dómi til að gefa skýrslu ef hann telur þess þörf til skýringar á máli.

4. Sem aðili eftir ákvæðum þessa kafla skoðast fyrirsvarsmaður sem kemur fram fyrir aðila hönd, sbr. 3.–5. mgr. 17. gr.

■ **49. gr.** 1. Aðila er rétt sér að meinalausu að færast undan því að svara spurningum fyrir dómi ef honum væri óheimilt að svara þeim sem vitni í málinu.

2. Þegar aðili gefur skýrslu fyrir dómi fer um framkvæmd skýrslugjafar eftir ákvæðum 3. og 4. mgr. 51. gr., 56. gr. og 1. mgr. 59. gr. eftir því sem átt getur við.

■ **50. gr.** 1. Nú hefur aðili forræði á sakarefni og hann viðurkennir fyrir dómi tiltekið atvik sem er honum óhagstætt, og skal þá viðurkenning hans að jafnaði lögð til grundvallar, enda þyki dómarí hún hafa verið gefin af nægilegri þekkingu og skilningi og ekkert kemur fram sem hnekkir henni eða veikir hana verulega.

2. Ef aðili verður ekki við kvaðningu um að koma fyrir dómi til að gefa skýrslu eða svarar ekki nægilega spurningu sem honum er ekki rétt að færast undan getur dómarí skýrt vanrækslu hans, óljós svör eða þögn á þann hátt sem er gagnadila hagfelldast.

## VIII. kafli. Vitni.

■ **51. gr.** 1. Hverjum manni, sem er orðinn 15 ára, lýtur íslenskri lögsögu og er ekki aðili máls eða fyrirsvarsmaður aðila, er skyld að koma fyrir dómi sem vitni til að svara munnlega spurningum sem er beint til hans um málsatvik.

2. Dómarí metur með hliðsjón af atvikum hverju sinni hvort yngri manni en getur í 1. mgr. verði gert skyld að gefa skýrslu sem vitni. Sama hátt hefur dómarí á um geðveika menn og þroskahefta.

3. Ef vitni kemst ekki á þingstað vegna veikinda eða svip-aðra ástæðna má dómarí ákveða að það gefi skýrslu á öðrum stað þar sem þess er kostur.

4. Nú er vitni statt fjarri þingstað eða það hefði annars sérstakt óhagræði af því að koma fyrir dómi, og getur þá dómarí ákveðið að skýrsla verði tekin af því á dómþingi gegnum síma eða annað fjarskiptatæki, enda verði skýrslutöku hagð þannig að allir sem eru staddir á dómþingi heyri orðaskipti við vitnið.

5. Ef þess er krafist getur dómarí lagt fyrir vitni í kvaðningu skv. 2. mgr. 54. gr. að hafa með sér gögn til sýningar fyrir dómi eða að athuga bækur sínar, skjöl og aðra muni og gera útdrátt úr tilteknum atriðum í þeim til skýringar á málsatvikum.

■ **52. gr.** 1. Eftirtaldir geta skorast undan því að gefa vitnaskýrslu að öllu leyti eða einhverju:

- a. sá sem er eða hefur verið maki aðila,
- b. skyldmenni aðila í beinan legg, systkin hans og þeir sem tengjast honum þannig vegna ættleiðingar,
- c. stjúpforeldri aðila og stjúpbarn,
- d. tengdaforeldri aðila og tengdabarn.

2. Dómarí getur leyst aðra sem eru eða hafa verið nákomnir aðila undan vitnaskýldu ef honum virðist samband þeirra mjög náið.

3. Vitni er rétt að skorast undan því að svara spurningu ef ætla má að í svari þess geti falist játning eða bending um að það hafi framið refsiverðan verknað eða atriði sem valdi því siðferðislegum hnekkji eða tilfinnanlegu fjárhagstjóni. Það sama á við ef ætla má að svar hefði sömu afleiðingar fyrir einhvern þann sem tengist vitni með þeim hætti sem segir í 1. eða 2. mgr.

4. Dómarí getur undanþegið vitni frá því að upplýsa um leyndarmál varðandi viðskipti þess, uppgötvanir eða önnur slík verk ef hann telur hagsmuni vitnis af leyndinni verulega ríkari en hagsmuni aðila af vættinu.

5. Embættis- og sýslunarmönnum er óskyld að koma fyrir dómi til að vitna um atvik sem hafa gerst í embætti þeirra eða sýslan og má leiða nægilega í ljós með vottorði úr embættisbók eða öðru opinberu skjali.

■ **53. gr.** 1. Án leyfis hlutaðeigandi ráðherra er vitni óheimilt að svara spurningum um leynilegar ráðagerðir, ályktanir eða samninga handhafa ríkisvalds um málefni sem varða öruggi, réttindi eða heill ríkisins eða skipta mjög miklu fyrir viðskipti eða fjárhag þjóðarinnar.

2. Vitni er óheimilt án leyfis þess sem á í hlut að svara spurningum um:

- a. hver sé höfundur eða heimildarmaður að riti, grein, frásögn eða tilkynningu sem hefur birst án þess að hann væri nafngreindur, ef vitnið ber ábyrgð að lögum á efni prentaðs rits eða öðru efni sem birtist opinberlega eða það hefur öðlast vitnesku um höfund eða heimildarmann í starfi hjá ábyrgðarmanni,

- b. einkahagi manns sem því hefur verið trúð fyrir eða það hefur komist að á annan hátt í starfi sem endurskoðandi, félagsráðgjafi, lögfræðingur, lyfslali, læknir, prestur, sálfraæðingur eða aðstoðarmaður einhvers þessara, eða í öðru starfi sem viðlika trúnaðarskylda fylgir,

c. atriði sem það hefur komist að í opinberu starfi og á að fara leynt,

d. leyndarmál um viðskipti, uppgötvanir eða önnur slík verk sem það hefur komist að í starfi.

□ 3. Nú telur dómari hagsmuni aðila verulega meiri af því að upplýst verði um atriði skv. b- til d-lið 2. mgr. en hagsmuni hlutaðeiganda af því að leynd verði haldið, og getur hann þá eftir kröfum aðila lagt fyrir vitni að svara spurningu þótt leyfi sé ekki veitt til þess, enda feli þá svarið ekki í sér frásögn af einkahögum manns sem á ekki aðild að máli. Ef dómari telur óvist hvort þessum skilyrðum sé fullnægt getur hann lagt fyrir vitni að tjá sér fyrst í trúnaði hvers efnis svar þess yrði.

■ 54. gr. 1. Aðili, sem óskar eftir að leiða vitni, annast boðun þess á dómþing.

□ 2. Aðila er rétt að boða vitni á dómþing með skriflegri kvaðningu sem hann gefur út sjálfur eða leggur fyrir dómara til útgáfu. Í kvaðningu skal greint nafn og heimili vitnis, tilefni boðunar í aðalatriðum, nafn dómstóls, hvar og hvenær vitnaleiðslan fer fram og hverjar afleiðingar það geti haft að vitni mæti ekki. Kvaðningu skal birta með sama hætti og fyrirvara og stefnu.

□ 3. Ef vitni erstatt á dómþingi er því skilt að bera þegar vætti þótt það hafi verið boðað í því skyni.

■ 55. gr. 1. Nú kemur vitni ekki fyrir dóm samkvæmt löglega birtri kvaðningu án þess að um lögmæt forföll sé að ræða, og getur þá dómari orðið við kröfum aðila um að leita til löggreglu um að sækja vitnið. Löggreglu er skilt að verða við slíkum fyrrimælum dómara.

□ 2. Ef vitni kemur fyrir dóm en fullnægir annars ekki vitnaskyldu sinni getur dómari að kröfum aðila gert því sekt með úrskurði. Viðurlög eftir úrskurðinum falla niður ef vitni fullnægir síðan skyldu sinni eða aðili hverfur frá því að krefja það vættis.

□ 3. Ef vitni kemur fyrir dóm en getur ekki fullnægt vitnaskyldu sinni vegna ástands síns, svo sem vegna ölvunar eða geðshrarðingar, getur dómari gert nauðsynlegar ráðstafanir til að tryggja að það geti leyst skyldu sína af hendi síðar.

■ 56. gr. 1. Þegar vitni kemur fyrir dóm lætur dómari það fyrst gera grein fyrir nafni sínu, kennitölu og heimili, en prófar svo eftir þörfum hvort því sé rétt eða skilt að bera vætti. Síðan brýnir dómari alvarlega fyrir vitni skyldu þess til að skýra satt og rétt frá og draga ekkert undan, og leiðir athygli þess að þeirri refsíábyrgð sem er samfara vísvitandi eða gáleysislega röngum framburði.

□ 2. Að svo búnu verða spurningar lagðar fyrir vitni. Dómara er rétt að láta aðila um að spryja vitni, en þá skal sá sem kvaddi vitni leggja spurningar fyrir það fyrst og síðan gagn-aðili. Dómara er rétt að umorða, laga og skýra spurningar aðila áður en vitni svarar og koma í veg fyrir að spurningar séu lagðar fyrir vitni sem eru óákvæðar, tvíráðar, veiðandi, óþarflega móðgandi eða særandi, lagaðar til að villa um fyrir vitni eða sýnilega tilganglausar. Dómari getur svipt aðila, sem brýtur gegn þessu, rétti til að leggja spurningar fyrir vitni og tekjð skýrslutöku í sínar hendur. Dómara er og rétt að krefja vitni frekari skýringa á svari þannig að efni þess komi skýrt fram, svo og að leggja spurningar sjálfstætt fyrir vitni.

□ 3. Hvert vitni skal að jafnaði prófa sér án þess að önnur vitni hlýði á. Að kröfum aðila getur dómari þó ákvæðið að vitni verði samþrofað við annað vitni eða aðila.

□ 4. Nú er dómþing háð fyrir opnum dyrum og spurningu til vitnis er þannig hátt að svar við henni varðar einkahagi

þess eða annarra, og getur þá dómari látið vitnið svara skriflega. Skal þá bókað um svarið og aðilum og vitninu gefinn kostur á að ganga úr skugga um að bókun sé rétt án þess að hún sé lesin upp.

□ 5. Dómari leiðbeinir vitni um atriði sem lúta að skyldu og heimild þess til vitnisburðar. Ef vitni telur sér óskyldt að gefa skýrslu eða svara einstökum spurningum eða heldur fram heimildarskorti ber því að leiða líkur að staðreymundum sem veltur á í þeim efnum. Dómari getur leyft vitni að leiða aðra fyrir dóm til skýrslugjafar í því skyni.

■ 57. gr. 1. Við skýrslugjöf vitnis leitar dómari eftir þörfum vitnesku um atriði sem varða mat á trúverðugleika þess. Í þeim efnum skal dómari jafnan leitast við að ganga úr skugga um hvort skýrsla vitnis sé reist á skynjun þess sjálfss eða sögu-sögn annarra. Þá skal dómari gera sér far um að leiða í ljós hvort horf vitnis til máls eða aðila sé með einhverjum þeim hætti að það geti haft áhrif á sönnunargildi framburðar þess.

□ 2. Eftir kröfum aðila skal dómari láta vitni staðfesta framburð sinn með eiði eða drengskaparéiti þegar það hefur lok-ið skýrslugjöf. Vitni verður þó ekki látið staðfesta framburð sinn ef:

a. það hefur ekki náð 15 ára aldrí,

b. því er svo vitsmunu vant eða geðbilað að það beri ekki skyn á eða er ófært um að meta helgi eða þýðingu staðfestingar,

c. það er undir ákæru fyrir rangan framburð eða hefur verið sakfellt fyrir slíkt brot,

d. það færst undan staðfestingu og ákvæði 1.–3. mgr. 52. gr. eiga við,

e. dómari telur það svo tengt aðila eða hafa slíka hagsmuni af málsúrlitum að staðfesting sé óviðeigandi.

□ 3. Ádur en vitni staðfestir framburð sinn brýnir dómari fyrir því helgi og þýðingu staðfestingar, bæði fyrir úrslit máls og vitnið sjálf lagalega og siðferðislega.

□ 4. Ef vitni lýsir því yfir að gefnu tilefni frá dómara að það samrýmist afstöðu þess í trúarefnum að vinna eið og að það trú á guð fer staðfesting þannig fram að vitnið lyftir upp hægri hendi og hefur þessi orð eftir dómara: Ég sver það og vitna til guðs míns að ég hef sagt það sem ég veit sannast og réttast og ekkert dregið undan.

□ 5. Ef ekki eru skilyrði til eiðvinningar skv. 4. mgr. vinnur vitni heit og fer staðfesting þannig fram að vitnið lyftir upp hægri hendi og hefur þessi orð eftir dómara: Ég lýsi því yfir og legg við drengskap minn og heiður að ég hef sagt það sem ég veit sannast og réttast og ekkert dregið undan.

□ 6. Eiður og heitvinnung hafa sömu þýðingu að lögum.

■ 58. gr. 1. Þeim aðila, sem leiðir vitni, er skilt að sjá því fyrir fram fyrir fé til greiðslu kostnaðar af ferð og dvöl á þingstaði.

□ 2. Ef vitni krefst þess að fullnægðum skyldum sínum ákvæður dómari því greiðslu vegna útlagðs kostnaðar af rækslu vitnaskyldu og þóknun fyrir atvinnumissi sem má telja skipta það málí miðað við efnahag þess og aðstæður. Sá sem kveður vitni greiðir einn kostnað og þóknun um sinn, en hafi báðir aðilar krafist vættis eða haft not af því getur dómari ákvæðið að skipta greiðslu milli peirra sem þeir ábyrgjast þó í sameiningu. Greiðslu skal þegar inna af hendi.

■ 59. gr. Dómari metur sönnunargildi vitnisburðar við úrlausn máls. Í því sambandi skal meðal annars hugað að afstöðu vitnis til aðila, hagsmunum þess af málsúrlitum, broska þess, áreiðanleika skynjunar þess á atvikum, minni,

ástandi og hegðun þess við skýrslugjöf, öryggi þess og skýrleika í svörum og samræmi í frásögn.

### **IX. kaffi. Matsgerðir.**

■ **60. gr.** 1. Skoðunar- og matsgerðir, lýsingar á hlutum og aðrar rannsóknargerðir kallast hér einu nafni matsgerðir eða mat og athafnir sem lúta að þeim að meta.

□ 2. Dómari leggur sjálfur mat á atriði sem krefjast almennrar þekkingar og menntunar eða lagapekkingar.

□ 3. Ef opinber starfsmáður er skipaður í eitt skipti fyrir öll til að meta tiltekin atriði getur aðili snúið sér beint til hans ef honum er skylt að framkvæma matið eða hann er fús til þess án dómkvaðningar, enda sé það í verkahring hans.

■ **61. gr.** 1. Ef ekki verður farið svo að sem segir í 2. eða 3. mgr. 60. gr. kveður dómari einn eða tvo matsmenn til að framkvæma mat eftir skriflegri beiðni aðila. Í beiðni skal koma skýrlega fram hvað eigi að meta, hvar það er sem meta á og hvað aðili hyggst sanna með mati.

□ 2. Aðilar skulu kvaddir á dómping þar sem matsbeiðni er tekin fyrir. Ef þeir koma sér saman um hæfán matsmann skal kveðja hann til starfans nema sérstakar ástæður mæli gegn því. Annars greinir dómari aðilum að öðru jöfnu frá því hvern hann hafi í hyggju að kveðja til matsstarfa.

□ 3. Þann einn má dómkveðja til að framkvæma mat sem er orðinn 20 ára að aldri, er að öllu leyti óaðfinnanlegt vitni um það atriði sem á að meta og hefur nauðsynlega kunnáttu til að leysa starfann af hendi eða annars þá kunnáttu sem bestrar er kostur. Maður getur ekki skorast undan að verða við kvaðningu ef honum væri skylt og heimilt að bera vitni um matsatriði og breytir engu þótt nauðsyn beri til að hann fari í aðra þinghá en þar sem hann á heimili til að rækja starfann. Dómara er þó rétt að taka rökstudda undanfærslu til greina, enda sé þá kostur jafnhæfs manns til starfans.

□ 4. Dómari getur dómkvatt matsmann sem er búsettur utan lögsagnarumdæmis hans.

□ 5. Dómkvaðning skal bókuð í þingbók. Í henni skal greina skýrt hvað skuli metið, hvenær mati skuli lokið og hverjum eigi að gefa kost á að gæta hagsmunu sinna við framkvæmd þess. Þá skal tekið fram að matsmanni beri að vinna verk sitt af bestu vitund og semja rökstudda matsgerð sem hann megi vera viðbúinn að þurfa að gefa skýrslu um fyrir dómi.

□ 6. Ef matsmaður deyr, forfallast, reynist óhæfur til starfans eða vanrækir það kveður dómari annan í hans stað að kröfu matsbeiðanda.

■ **62. gr.** 1. Matsbeiðandi tilkynnir matsmanni um dómkvaðningu og lætur honum í té endurrit af bókun um hana.

□ 2. Matsmaður tilkynnir aðilum svo fljótt sem verða má og með sannanlegum hætti hvar og hvenær verði metið. Aðilum og dómara ber að veita matsmanni leiðbeiningar eftir föngum um matsatriði. Matsmanni er rétt að afla sér gagna til afnota við matið, en aðilum, sem eru viðstaddir, skal þá gefinn kostur á að tjá sig um þau eftir þörfum. Ef vitnaleiðsla reynist nauðsynleg til skýringar á matsatriði er dómara rétt að láta hana þegar fara fram.

□ 3. Þeim sem hefur umráð þess sem matsgerð lýtur að er skylt að veita matsmanni aðgang að því nema hann megi skorast undan vitnaskyldu um matsatriði eða sé óheimilt að bera vitni um það.

□ 4. Matsmaður framkvæmir starf sitt þótt aðilar mæti ekki þegar metið er, nema upplýsingar vanti sem þeir hefðu mátt veita.

■ **63. gr.** 1. Matsmaður skal semja rökstudda matsgerð þar sem þau sjónarmið eru greind sem álit hans er reist á. Mats-

gerð skal fengin matsbeiðanda í hendur, en matsmanni er þó rétt að krefjast ádur greiðslu skv. 2. mgr.

□ 2. Matsmaður á rétt á hæfilegri þóknun fyrir störf sín samkvæmt reikningi og endurgreiðslu útlagðs kostnaðar úr hendi matsbeiðanda. Matsmanni er rétt að krefjast greiðslu fyrir fram vegna ferðakostnaðar, svo og tryggingar samkvæmt ákvörðun dómara fyrir þóknun sinni ef með þarf.

■ **64. gr.** Aðili getur krafist yfirmats þar sem tekin verði til endurmats þau atriði sem hafa ádur verið metin. Yfirmatsmenn skulu vera fleiri en matsmenn voru, en að öðru leyti gilda ákvæði 61.–63. gr. um yfirmat.

■ **65. gr.** Að kröfu aðila ber matsmanni að koma fyrir dóm til að gefa skýrslu til skýringar og staðfestingar á matsgerð og um atriði sem tengjast henni. Ákvæðum VIII. kafla verður beitt um skýrslugjöf matsmanns eftir því sem þau geta átt við.

■ **66. gr.** 1. Dómari leysir úr ágreiningi sem lýtur að dómkvaðningu og hafi matsmanns og um greiðslur til hans með úrskurði. Dómari getur enn fremur úrskurðað um atriði sem varða framkvæmd matsgerðar, svo sem hvort það hafi verið metið sem skyldi meta samkvæmt dómkvaðningu eða hvort matsgerð sé nægilega rökstudd, ef ágreiningur rís um kröfu um endurskoðun hennar eða endurmat.

□ 2. Dómari leggur mat á önnur atriði varðandi matsgerð, þar á meðal sönnunargildi hennar þegar leyst er að öðru leyti úr máli.

### **X. kaffi. Skjöl og önnur sýnileg sönnunargög.**

■ **67. gr.** 1. Ef aðili skírskotar til skjals sem er í vörlum hans skal hann leggja það fram eftir kröfu gagnaðila ef taka á tillit til þess við úrlausn máls.

□ 2. Nú skorar aðili á gagnaðila að leggja fram skjal sem hann hefur í vörlum sínum, og ber þá gagnaðila að verða við því ef aðili á rétt til skjalsins án tillits til málsins eða efni skjalsins er slíkt að gagnaðila væri skylt að bera vitni um það ef hann væri ekki aðili að málinu.

□ 3. Nú er skjal í vörlum manns sem er ekki aðili að máli, og getur þá aðili krafist að fá það afhent til framlagningar í máli ef vörlumanni skjalsins er skylt að afhenda það aðilanum án tillits til málsins eða efni skjalsins er slíkt að vörlumanni sé skylt að bera vitni um það í málinu.

□ 4. Aðili, sem krefst skjals skv. 2. eða 3. mgr., ber sönnunargildi fyrir því að skjalið sé til og í vörlum þess sem hann heldur fram. Ef staðhæfingum aðila um það er mótmælt ber honum að leggja fram eftirrit af skjalinu ef þess er kostur, en lýsa ella efni þess eftir föngum, og skal greina frá því hvað eigi að leiða í ljós með skjalinu.

■ **68. gr.** 1. Nú verður aðili ekki við áskorun skv. 2. mgr. 67. gr. um að leggja fram skjal sem þykir sannað að hann hafi undir höndum, og getur þá dómari skýrt það svo að hann samþykki frásögn áskoranda um efni skjalsins, sbr. þó 69. gr.

□ 2. Ef vörlumaður skjals verður ekki við kröfu aðila um að láta það af hendi getur aðili lagt þau gögn, sem getur í 4. mgr. 67. gr., fyrir dómara, ásamt skriflegri beiðni um að vörlumaður verði skyldaður með úrskurði til að afhenda skjalið fyrir dómi. Ef dómari telur ekki útilokað að skjalið hafi þýðingu í málinu kveður hann aðila og vörlumann fyrir dóm og gefur þeim kost á að tjá sig um beiðniina. Að því loknu kveður dómari upp úrskurð ef með þarf um skyldu vörlumanns til að afhenda aðila skjalið, sbr. þó 69. gr. Í úrskurði má ákveða að leysa beri þessa skyldu af hendi innan tiltekins tíma að viðlöðum dagsektum til aðilans sem skyldan er við.

Úrskurðinum má einnig fullnægja með aðför eftir aðalefnini.

□ 3. Ef vörlumaður mætir ekki fyrir dóm skv. 2. mgr. getur dómari leitað til löggreglu um að sækja hann ef aðili krefst.

■ **69. gr.** 1. Nú hefur skjal, sem er skyld að láta af hendi skv. 67. gr., að geyma atriði sem hlutaðeiganda væri óskyld eða óheimilt að bera vitni um, og getur þá dómari ákveðið að skjalið verði lagt fyrir hann í trúnaði og gegn þagnarskyldu og annaðhvort að hann taki eftirrit af því úr skjalini sem er skyld og heimilt að láta uppi eða geri skýrslu um þau atriði.

□ 2. Ef sá sem er skyld að láta af hendi skjal skv. 67. gr. gerir sennilegt að það baki sér tjón eða óhagræði að verða við þeirri skyldu getur dómari ákveðið að láta við það sitja að skjalið verði afhent fyrir dómi til eftirritunar. Það sama á við ef skjal er verðmætt fyrir hlutaðeiganda eða sérstök hætta er á því að það glatist eða spillist ef það er látið af hendi. Hlutaðeigandi getur einnig krafist að trygging verði sett fyrir tjóni sem afhending skjals kann að baka honum áður en hann lætur það frá sér.

□ 3. Frumrit skjala, sem ákvæði 1. og 2. mgr. taka til, skulu afhent hlutaðeiganda um leið og afnotum er lokið.

■ **70. gr.** Eftir því sem átt getur við gilda ákvæði 67.–69. gr. um skyldu til að sýna og afhenda önnur sýnileg sönnunargögn en skjöl og til að leyfa afnot af og veita aðgang að þeim.

■ **71. gr.** 1. Opinber eru þau skjöl sem embættis- eða sýslunarmenn gefa út í embættisnafni um það sem gerist í embætti þeirra eða sýslan.

□ 2. Þar til annað sannast skal telja íslenskt opinbert skjal ófalsað ef það stafar frá embættis- eða sýslunarmanni eftir formi sínu og efni. Það sama á við um erlent opinbert skjal ef ræðisemaður eða annar trúnaðarmaður íslenska ríkisins í hlutaðeigandi ríki vottar að útgefandi skjals hafi heimild til þess eftir lögum þess ríkis eða það er sýnt með öðrum fullnægjandi hætti.

□ 3. Þar til annað sannast skal efni opinbers skjals talið rétt ef það varðar tiltekin atvik sem er sagt að hafi gerst í embætti eða sýslan útgefanda.

■ **72. gr.** 1. Einkaskjal með eiginhandarnafni útgefanda telst gefið út af honum með því efni sem það hefur að geyma þar til það gagnstæða er sannað eða gert sennilegt.

□ 2. Nú kemur sá sem tjáist vera útgefandi skjals fyrir dóm til skýrslugjafar og því er borið við í máli að undirritun á skjali sé fölsuð eða efni þess breytt, og getur þá dómari eftir kröfu aðila lagt fyrir hlutaðeiganda að gefa sýnishorn af rit-hönd sinni. Ef slíkri kröfu er beint að aðila og hann neitar að verða við henni skal að öðru jöfnu líta svo á að hann samþykkji staðhæfingar gagnaðila um skjalið. Ef vitni neitar að verða við slíkri kröfu má beita það viðurlögum skv. 2. mgr. 55. gr.

□ 3. Dómari metur sönnunargildi einkaskjals með hliðsjón af atvikum hverju sinni.

## XI. kafli. Öflun sönnunargagna fyrir öðrum dómi.

■ **73. gr.** 1. Nú óskar aðili að gefa skýrslu, leiða vitni, fá matsmann kvaddan eða afla skjala eða annarra sýnilegra sönnunargagna fyrir öðrum dómi en þar sem mál er rekið, og leggur hann þá skriflega beiðni um það fyrir dómara í málinu. Í beiðni skal greint frá ástæðum fyrir henni, hvar sé óskað að gagnaöflun fari fram, hver gögn þurfi að senda hlutaðeigandi dómi, hverjum eigi að gera aðvart um þinghald þar og um hverja gagnaöflun sé nánar að tefta. Ef óskað er að leiða vitni skal þannig greint frá nafni þess, kennitölu og heimili, svo

og þeim atriðum nákvæmlega sem vætti á að varða. Sé óskað dómkvaðningar matsmanns skal beiðni um hana að jafnaði fylgja.

□ 2. Beiðni skv. 1. mgr. skal tekin fyrir í þinghaldi í málinu. Dómari getur sett það skilyrði fyrir að sinna beiðni að aðili greiði fyrir fram kostnað eða setji tryggingu fyrir greiðslu kostnaðar af málaleitan sinni.

□ 3. Ef dómari telur skilyrðum 1. mgr. 47. gr. fullnægt til að verða við beiðni bókar hann ákvörðun sína um það í þingbók. Úrskurður skal kveðinn upp ef krafist er.

■ **74. gr.** 1. Ef gagnaöflun á að fara fram fyrir öðrum dómi hér á landi sendir dómari í málinu hlutaðeigandi dómi skriflegt erindi ásamt beiðni aðila, frumritum eða myndritum nauðsynlegra gagna og endurritum úr þingbók.

□ 2. Nú á gagnaöflun að fara fram fyrir dómi í öðru ríki, og aflar þá dómari í málinu þýðingar á þeim gögnum sem um ræðir í 1. mgr. á kostnað aðila. Dómari sendir skriflegt erindi sitt og önnur gögn ásamt þýðingum til hlutaðeigandi dóms, eftir atvikum fyrir milligöngu Stjórnarráðsins. [Um þá gagnaöflun fer eftir lögum viðkomandi ríkis og þjóðréttarsamningi, ef slíkur samningur er í gildi við hlutaðeigandi ríki.]<sup>1)</sup>

<sup>1)</sup> L. 53/2008, 1. gr.

■ **75. gr.** 1. Þegar gagnaöflun eftir fyrirmælum þessa kafla fer fram fyrir dómi hér á landi skal farið eftir ákvæðum II. og VII.–X. kafla eftir því sem átt getur við. Dómari, sem gagnaöflun fer fram fyrir, tekur ákværðanir og úrskurðar um atriði varðandi framkvæmd hennar.

□ 2. Ef sérstakt tilefni verður til þess meðan á gagnaöflun stendur fyrir öðrum dómi getur aðili óskað eftir því að frekari gagna verði aflað þar en var beiðst í byrjun. Ákveður hlutaðeigandi dómari hvort orðið verði við slíkri ósk.

□ 3. Ef ekki er sótt þing við gagnaöflun fyrir öðrum dómi af hálfu þess sem beiddist hennar skal telja beiðni hans um hana fallna niður nema gagnaðili mæti og krefjist að hún fari allt að einu fram. Útvist hefur ekki aðrar afleiðingar, sbr. þó 4. mgr.

□ 4. Falli beiðni niður skv. 3. mgr. skal tekið tillit til þess kostnaðar sem hún hefur bakað gagnaðila við endanlega ákvörðun málskostnaðar hvernig sem málið fer.

■ **76. gr.** [1.]<sup>1)</sup> Eftir því sem átt getur við skal ákvæðum 75. gr. beitt þegar gagna er aflað í heraði í tengslum við rekstur máls fyrir æðra dómi.

□ [2. Þá skal ákvæðum 75. gr. einnig beitt eftir því sem getur átt við þegar gagna er aflað fyrir heraðsdómi hér á landi í tengslum við rekstur máls erlendis, þar á meðal fyrir EFTA-dómstólnum. [Ef beiðni kemur frá öðru ríki skal haga gagnaöflun í samræmi við þjóðréttarsamning, ef slíkur samningur er í gildi við hlutaðeigandi ríki, enda fari það ekki í bága við ákvæði laga þessara.]<sup>2)</sup>]<sup>1)</sup>

<sup>1)</sup> L. 133/1993, 27. gr. <sup>2)</sup> L. 53/2008, 2. gr.

## XII. kafli. Öflun sönnunargagna án þess að mál hafi verið höfðað.

■ **77. gr.** 1. Aðila, sem hefur lögyarinna hagsmunu að gæta, er heimilt að beiðast dómkvaðningar matsmanns þótt hann hafi ekki haft uppi kröfu vegna matsatriðis í dómsmáli ef það er gert til að staðreyna kröfu eða sanna atvik að baki henni.

□ 2. Nú er hætta á að kostur fari forgörðum á því að afla sönnunar um atvik sem varðar lögvarða hagsmuni aðila eða að það verði verulega erfiðara síðar, og er honum þá heimilt að leita sönnunar um atvikið fyrir dómi með vitnaleiðslu eða öflun skjals eða annars sýnilegs sönnunargagns þótt hann hafi

ekki haft uppi kröfu í tengslum við atvikið í dómsmáli. Aðila er með sama hætti heimilt að leita sönnunar fyrir dómi um atvik sem varða lögvarða hagsmuni hans og geta ráðið niðurstöðu um hvort hann láti verða af málshöfðun vegna þeirra.

□ 3. Heimildum 1. og 2. mgr. verður ekki beitt til að afla sannana um refsiverða háttsemi þar sem ákærvaldið ætti sókn sakar.

■ **78. gr.** 1. Aðili, sem vill leita sönnunar skv. 77. gr., skal beina skriflegri beiðni um það til dómara í þinghá þar sem mætti höfða mál um kröfu hans, vitni er statt, sýnilegt sönnunargagn er að finna eða hlutur er niður kominn sem matsgerð varðar.

□ 2. Í beiðni skal greina skýrt frá því atviki sem aðili vill leita sönnunar um, hvernig hann vill að það verði gert, hver réttindi eru í húfi og hverja aðra sönnunin varðar að lögum. Ef sönnunar er leitað skv. 2. mgr. 77. gr. skal enn fremur rökstutt hvers vegna sönnunarfærsla polir ekki bið eða getur ráðið niðurstöðu um hvort mál verði síðar höfðað.

□ 3. Dómari metur af sjálfsdáðum hvort skilyrði séu til að fallast á beiðni. Ef hann telur að svo sé ekki eða ágreiningur ris um það kveður hann upp úrskurð þar um.

□ 4. Dómari kveður aðila fyrir dóum þar sem sönnunarfærsla fer fram. Ef beiðni varðar aðra aðila skulu þeir einnig kvaddir fyrir dóum, enda þoli málefnið þá bið sem leiðir af því.

■ **79. gr.** 1. Við öflun sönnunar eftir fyrirmælum þessa kafla skal farið eftir ákvædum II. og VII.-X. kafla eftir því sem átt getur við. Dómari, sem öflun sönnunar fer fram fyrir, tekur ákváðanir og úrskurðar um þau atriði varðandi hana sem hefðu ella borið undir dómara við sönnunarfærslu við rekstur máls.

□ 2. Ef sérstakt tilefni verður til þess meðan á öflun sönnunar stendur getur aðili óskað eftir því að frekari gagna verði aflað en var beiðst í byrjun. Dómari ákveður hvort orðið verði við slíkrí ósk.

□ 3. Nú er ekki sótt þing af hálfu þess sem beiðni stafar frá, og verður þá ekki af öflun sönnunar nema annar mæti sem hefur lögvarinna hagsmuna að gæta, hann óskar að athöfn fari allt að einu fram og dómari telur efni til að verða við ósk hans.

□ 4. Sá sem biður um öflun sönnunar greiðir kostnað sem hlýst af því. Ef aðrir sækja þing og krefjast þess getur dómari úrskurðað þeim ómaksþóknun úr hendi hans.

### 3. þáttur. Almennar reglur um meðferð máls í héraði.

#### XIII. kafli. Stefna og stefnubirting.

■ **80. gr.** 1. Í stefnu skal greina svo glöggt sem verða má:

a. nöfn aðila, kennitölu og heimili eða dvalarstað,

b. nöfn fyrirsvarsmana aðila, ef því er að skipta, stöðu þeirra og heimili eða dvalarstað,

c. hver eða hverjur flytji málið fyrir stefnanda,

d. dómkröfur stefnanda, svo sem fjárhæð kröfu í krónum, bætur fyrir tiltekið skaðaverk án fjárhæðar ef enn er óvist um hana, vexti ef því er að skipta, viðurkenningu á tilteknimréttindum, ákvörðun á eða lausn undan tiltekinni skyldu, refsingu fyrir tilgreind orð eða athafnir, ómerkingu tiltekinna ummæla, málskostnað o.s.frv.,

e. málsástæður sem stefnandi byggir málsókn sína á, svo og önnur atvik sem þarf að greina til þess að samhengi málsástæðna verði ljóst, en þessi lýsing skal vera gagnorð og svo skýr að ekki fari milli mála hvert sakarefnið er,

f. tilvísun til helstu lagaákvæða eða réttarreglna sem stefnandi byggir málatilbúnað sínn á,

g. helstu gögn sem stefnandi hefur til sönnunar og þau gögn sem hann telur að enn þurfi að afla,

h. þá sem stefnandi hyggst leiða fyrir dóum til skýrslugjafar um atvik máls,

i. dömping þar sem mál verður þingfest, stað þess og stund, svo og stefnufrest,

j. áskorun til stefnda um að koma fyrir dóum þegar málið verður þingfest, svara þar til sakar og leggja fram gögn,

k. viðvörum um að útvistardómur geti gengið ef stefndi sækir ekki þing við þingfestingu málsins.

□ 2. Ef stefnandi hefur aðeins uppi kröfur í máli sem er unnt að fullnægja með aðför skal eitt eintak stefnu ritað á löggið skjalappáppi í stærðinni A4 með a.m.k. 4 sm spássíu vinstra megin á framhlið blaðs og hægra megin á bakhlið. Skal þetta eintak afhent dómara aukalega við þingfestingu máls nema sátt sé þá þegar gerð í því eða stefndi samþykkir kröfur stefnanda eða leggur fram greinargerð.

□ 3. Stefnanda er jafnan rétt að gefa út stefnu sjálfur. Honum er einnig heimilt að leggja stefnu fyrir dómara til útgáfu, enda sé þá orðalag hennar tilhlýðilegt. Sé leitað til dómara um útgáfu stefnu skal hann benda stefnanda á galla sem hann sér á málatilbúnaði og geta varðað frávísun, en ekki má hann synja um útgáfu stefnu af þeim sökum, enda er hann óbundinn af slíku áltí sínu við úrlausn máls.

■ **81. gr.** 1. Til að birta stefnur, kvaðningar og aðrar tilkynningar skipar sýslumaður a.m.k. einn mann í hverju sveitarfélagi í umdæmi sínu og annan til vara til að gegna þeim störfum í forföllum. Enginn má víkjast undan skipun sem fullnægir skilyrðum 2. mgr.

□ 2. EKKI má skipa mann stefnuvott nema hann sé orðinn 25 ára að aldri, hafi óflekkad mannorð og sé svo heill og hraustur að hann geti gegnt starfanum.

□ 3. Áður en stefnuvottur tekur til starfa skal hann undirrita drengskaparheit, sem sýslumaður varðveitir, um að hann muni rækja starfann af trúmannsku og samviskusemi.

□ 4. [Ráðherra]<sup>1)</sup> skal setja gjaldskrá vegna starfa stefnuvotta.

<sup>1)</sup> L. 162/2010, 126. gr.

■ **82. gr.** 1. Þar sem eftirfarandi ákvæði þessa kafla mæla fyrir um að stefna verði birt fyrir stefnda og öðrum sem tengjast honum, á stað sem varðar hann og með fresti sem tekur mið af högum hans eiga þær reglur við fyrirsvarsmanni í stað stefnda ef fyrirsvarsmaður fer með mál hans.

□ 2. Stefna verður ekki birt fyrir manni sem er yngri en 15 ára að aldri.

□ 3. Stefna má ekki birta fyrir gagnaðila stefnda eða manni sem gæti verið í fyrirsvari fyrir gagnaðila.

■ **83. gr.** 1. Birting stefnu er lögmæt ef:

a. stefnuvottur eða lögbókandi vottar að hann hafi birt hana fyrir stefnda eða einhverjum sem er bær um að taka við henni í hans stað,

b. samrit hennar er sent í ábyrgðarbréfi sem er borið út og póstmaður vottar að hann hafi afhent bréfið stefnda eða öðrum sem er bær um að taka við stefnu í hans stað,

□ 2. Stefna telst einnig nægilega birt ef hún er auglýst í Lögbirtingablaði skv. 89. gr.

□ 3. Í stað stefnubirtingar skv. 1. mgr. og jafngilt henni má koma stefnu á framfæri með því að:

a. stefndi riti sjálfur undir yfirlýsingu á stefnu um að samrit hennar hafi verið afhent sér,

b. hæstaréttar- eða héraðsdómslögmaður riti undir sams konar yfirlýsingum þar sem einnig er tekið fram að stefndi hafi falið honum að sækja þing fyrir sig við þingfestingu máls.

4. Ef stefndi sækir þing við þingfestingu máls breytir engu þótt stefna hafi ekki verið birt eða komið á framfæri við hann, galli hafi verið á birtingu eða birt með of skömmum fyrirvara.

■ **84. gr.** 1. Þegar birta á stefnu skv. 1. mgr. 83. gr. afhendir stefnandi þeim sem annast birtingu frumrit hennar ásamt samrítu handa hverjum sem á að birta fyrir. Hverju samrít skal fylgja opíð umslag merkt með nafni og heimili stefnda og áritað um að það hafi að geyma stefnu í tilteknu máli og hvenær birting megi síðast fara fram til þess að stefnufresti verði náð. Þegar sá sem annast birtingu hefur gengið úr skugga um að samrit sé samhljóða frumriti stefnu setur hann samrit í umslagið og lokar því. Stefndandi skal einnig láta af hendi umslag merkt sjálffum sér og heiti máls undir frumrit stefnu.

2. Þeim sem annast birtingu er rétt að áskilja fyrirframgreiðslu kostnaðar af henni úr hendi stefnanda.

3. Sá er vanhæfur til að birta stefnu sem er aðili að máli, maki aðila eða skyldur eða mægður aðila í beinan legg eða annan lið til hlíðar.

■ **85. gr.** 1. Stefnubirting skal fara fram á virkum degi frá lokum áttundu stundar til loka tuttugustu og annarrar stundar. Birting má þó fara fram á öðrum degi eða tíma ef það er nauðsynlegt til þess að stefnufrestur náiðst.

2. Stefna skal að jafnaði birt fyrir stefndu sjálffum á skráðu lögheimili hans eða þar sem hann hefur fasta búsetu, dvalarstað eða vinnustað. Birting er þó alltaf gild þótt hún fari fram á öðrum stað ef birt er fyrir stefndu sjálffum.

3. Birting er einnig lögmæt þótt hún fari ekki fram skv. 2. mgr. ef:

a. birt er á skráðu lögheimili stefndu fyrir heimilismanni hans; sé heimilismanns ekki kostur má birta fyrir þeim sem dvelst á skráðu lögheimili stefndu, en sé ekki um neinn slíkan heldur að ræða má birta fyrir þeim sem hittist þar fyrir,

b. birt er á öðrum stað en skráðu lögheimili stefndu fyrir heimilismanni hans sem tjáir hann eiga þar fasta búsetu eða dvalarstað,

c. birt er á vinnustað stefndu fyrir vinnuveitanda hans eða nánasta yfirmanni eða samverkamanni.

4. Nú er félagi stefnt, og má þá birting alltaf fara fram á stjórnarstöð þess þótt fyrirsvarsmaður hafi þar ekki fastan vinnustað, en þá skal að jafnaði birta fyrir æðsta starfsmanni þess sem verður náð til. Eins má fara að þegar öðrum lögaðila er stefnt, svo sem firma, samtökum, stofnun, ríkinu, stjórnvaldi eða sveitarfélagi.

■ **86. gr.** 1. Þeim sem hittist fyrir þegar birta á stefnu er skylt að greina frá nafni sínu og öðrum atriðum sem lögmæti birtingar getur oftíð á.

2. Sá sem annast birtingu skal afhenda þeim sem er birt fyrir samrit stefnu og vekja athygli hans á því hver athöfn sé að fara fram. Ef birt er fyrir öðrum en stefndu skal honum bent á skyldur sínar skv. 3. mgr.

3. Ef stefna er birt fyrir öðrum en stefndu ber þeim manni að viðlagðri sekt að koma samrítu stefnu í hendur stefndu, en sé þess ekki kostur þá í hendur þess sem má telja líklegastan til að koma samrít til skila í tæka til.

4. Nú kemur í ljós að stefndu sé ekki lengur að finna á þeim stað sem er getið í stefnu, og skal þá sá sem annast birtingu leita vitneskju um annan stað til birtingar eftir því sem kostur er. Verði ekki uppvist um annan stað eða bresti

þann, sem annast birtingu, heimild til birtingar þar skal stefnandi þegar endursend stefnanda með boðum um vitneskju sem var aflað.

■ **87. gr.** 1. Að lokinni stefnubirtingu skal sá sem annast hana gefa út dagsett og undirritað vottorð um birtinguna þar sem eftirfarandi kemur fram:

a. hvar birting fór fram og eftir atvikum hvort hermt var að þar sé skráð lögheimili stefndu, fastur búsetustaður, dvalarstaður eða vinnustaður,

b. fyrir hverjum var birt, en sé um annan en stefndu að ræða skal tiltekið hver tengsl voru sögð standa milli þeirra þannig að ráða megi um lögmæti birtingar,

c. hvenær birting fór nákvæmlega fram,

d. starfsheiti þess sem annast birtingu.

2. Birtingarvottorð skal færð á frumrit stefnu eða blað sem er fest við það. Frumritið skal síðan afhent eða sent stefnanda.

3. Efni birtingarvottorðs telst rétt þar til það gagnstæða sannast.

■ **88. gr.** 1. Nú er yfirlýsing skv. 3. mgr. 83. gr. rituð á stefnu, og skal þá telja undirskrift undir hana stafa frá stefndu eða eftir atvikum lögmanni hans þar til það gagnstæða sannast. Stefndandi verður ekki krafinn um sönnur fyrir að lögmæður, sem ritar undir slíka yfirlýsingu, hafi umboð stefndu til þess.

2. Ef yfirlýsing skv. 3. mgr. 83. gr. er ekki tímasett skal litindi svo á að stefndi hafi fallið með bindandi hætti frá stefnufresti.

■ **89. gr.** 1. Stefnu má birta í Lögbirtingablaði ef:

a. upplýsinga verður ekki aflað um hvar megi birta stefnu eftir almennum reglum,

b. erlend yfirvöld neita eða láta hjá líða að verða við ósk um birtingu skv. 90. gr.,

c. stefnu er beint að óákvæðnum manni.

2. Ef stefna er birt skv. 1. mgr. skal tiltekið í henni af hverri ástæðu það er gert.

■ **90. gr.** [1. Nú á stefndi þekkt heimili eða aðsetur erlendis eða það liggar annars fyrir að hann eigi heimili í tilteknu öðru ríki og birting stefnu getur ekki farið fram hér á landi eftir öðrum ákvæðum þessa kafla og fer þá um birtingu eftir lögum þess ríkis og þjóðréttarsamningi, ef slíkur samningur hefur verið gerður við hlutaðeigandi ríki.

2. Stefna eða önnur tilkynning frá öðru ríki verður birt hér á landi eftir reglum þessa kafla og í samræmi við þjóðréttarsamning, ef slíkur samningur er í gildi við hlutaðeigandi ríki, enda fari það ekki í bága við ákvæði laga þessara.]<sup>1)</sup>

<sup>1)</sup> L. 53/2008, 3. gr.

■ **91. gr.** 1. Ef stefndi á skráð lögheimili, fasta búsetu eða dvalarstað í þeiri þinghá þar sem mál verður þingfest ber honum þriggja sólarhringa stefnufrestur. Það sama gildir ef þingstaður er sá sami fyrir tvær eða fleiri þinghár, stefndi á skráð lögheimili, fasta búsetu eða dvalarstað í einni þinghánni og mál verður þingfest í annarri. Í þessu tilliti skal litindi svo á sem lögsagnarumdæmi héraðsdóma Reykjavíkur og Reykjaness væru til samans ein þinghá.

2. Ef stefndi á annars skráð lögheimili, fasta búsetu eða dvalarstað hér á landi utan þinghár þar sem mál verður þingfest skal stefnufrestur vera ein vika.

3. Ef stefndi á heimili eða dvalarstað erlendis eða ókunnugt er um hann eða heimili hans skal stefnufrestur vera einn mánuður.

□ 4. Nú er lögaðila stefnt og fyrirsvarsmaður hans á ekki skráð lögheimili, fasta búsetu eða dvalarstað í sömu þinghá og lögaðilinn hefur stjórnarstöð, og skal þá stefnufrestur miðast við þá þinghá þar sem stjórnarstöðin er ef það leiðir til skemmri stefnufrests.

□ 5. Ef stefna þarf upphaflegum málsaðila í meðalgöngusök, framhaldssök eða gagnsök ber honum þriggja sólarhringa stefnufrestur án tillits til ákvæða 2.–4. mgr. Birta má fyrir umboðsmanni aðilans í málinu.

■ **92. gr.** 1. Tilkynningar, sem dómarí lætur frá sér fara til aðila, skulu birtar eða sendar honum eða umboðsmanni hans á sannanlegan hátt eftir ákvörðun dómarí. Dómarí ákveður hverju sinni hæfilegan frest í því skyni.

□ 2. Ef tími til nýs þinghalds er ákveðinn á dómpingi er ekki þörf frekari tilkynninga um þá ákvörðun til aðila sem er staddir þar þegar hún er kynnt.

#### XIV. kaffi. Málsmeðferð.

■ **93. gr.** Mál telst höfðað þegar stefna er birt eða árituð um viðtoku samrits hennar, sbr. 3. mgr. 83. gr., eða stefndi mætir að öðrum kosti fyrir dómi þar sem stefnandi afhendir honum samrit stefnu og þingfestir mál.

■ **94. gr.** 1. Mál er þingfest með því að stefna er lögð fram fyrir dómi.

□ 2. Nú sækir stefnandi ekki þing þegar þingfesta á mál hans og hefur ekki lögmæt forföll, og er þá málatilbúnaður hans ónýtur. Sæki stefndi þing getur dómarí úrskurðað honum ómaksþóknun úr hendi stefnanda að kröfu hans.

□ 3. Gagnkrafa til skuldajafnaðar er þingfest þegar hún er gerð fyrir dómi.

□ 4. Þegar mál hefur verið þingfest verður dóms ekki krafist um þær kröfur sem eru gerðar í því í öðru mál. Ef dóms er krafist þannig um kröfu í öðru mál skal vísa henni frá dómi.

■ **95. gr.** 1. Við þingfestingu skal stefnandi leggja fram stefnu og þau skjöl sem varða málatilbúnað hans eða hann byggir annars kröfur sínar á, svo og skrá yfir þau skjöl sem hann leggur þá fram. Stefnanda er einnig heimilt að leggja fram skriflega aðilaskýrslu sína um atvik málss.

□ 2. Dómarí getur veitt stefnanda skamman frest til að leggja fram önnur gögn skv. 1. mgr. en stefnu ef aðilar eru á það sáttir eða dómarí telur að stefnandi verði ekki krafinn um þau þá þegar.

■ **96. gr.** 1. Nú sækir stefndi ekki þing þegar mál er þingfest og ekki er kunnugt að hann hafi lögmæt forföll, og skal þá málid tekið til dóms í þeim búningi sem það er, enda hafi stefnandi ekki fengið frest skv. 2. mgr. 95. gr. Verður málid þá dæmt eftir kröfum og málatilbúnaði stefnanda að því leyti sem er samrýmanlegt framkomnum gögnum nema gallar séu á málinu sem varða frávísun þess án kröfu.

□ 2. Ef stefndi sækir ekki þing síðar þegar mál er tekið fyrir og hann hefur ekki lagt fram greinargerð skal farið svo að sem segir í 1. mgr.

□ 3. Hafi stefndi lagt fram greinargerð aður en þingsókn hans fellur niður má gefa stefnanda kost á að svara vörnum hans í skriflegri sókn, en að henni framkominni verður málid tekið til dóms. Málid verður þá dæmt eftir framkomnum kröfum, gögnum og sókn stefnanda með tilliti til þess sem hefur komið fram af hálfu stefnda.

□ 4. Stefndi getur ekki skotið mál, sem er dæmt eftir 1.–3. mgr., til æðra dóms nema með gagnáfrýjun þegar stefnandi hefur áfrýjað fyrir sitt leyti. Stefndi getur beiðst enduruppþóku þess í heraði eftir ákvæðum XXIII. kafla.

■ **97. gr.** 1. Forföll aðila frá þinghaldi teljast lögmæt ef þau stafa af:

a. sjúkdómi hans sjálfss, heimilismanns hans eða annars manns sem hann þarf að annast eða leita læknishálpars fyrir,

b. veðri, torfærum eða öðrum óviðráðanlegum atvikum,

c. því að hann yrði ella fyrir verulegum vinnumissi eða tjóni á atvinnu eða öðrum hagsmunum,

d. þörf á ferðalagi um langan veg,

e. embættis- eða sýslunarstörfum sem eru fyrir fram ákveðin og þola ekki bið,

f. aður ákveðnu þinghaldi.

□ 2. Lögmæt forföll umboðsmanns aðila jafngilda lögmætum forföllum aðilans sjálfss.

□ 3. Ef dómarí er kunnugt um að aðili mæti ekki vegna lögmætra forfalla frestar hann máli og tilkynnir hvenær það verði tekið fyrir á ný.

□ 4. Nú hefur aðili ekki mætt í máli en haft lögmæt forföll sem dómarí var ókunnugt um og ekki var unnt að tilkynna honum, og getur aðilinn þá snúið sér til dómarí með sönnun fyrir forföllum sínum og skriflegri beiðni um endurupptóku málss, enda hafi dómarí ekki gengið í því. Dómarí tekur þá mál upp á ný með bókun í þingbók frá því aðili mætti þá ekki og tilkynnir aðilum hvenær mál verði tekið fyrir á ný.

■ **98. gr.** 1. Nú sækir stefndi þing og samþykkir kröfur stefnanda í einu og öllu án þess þó að sátt takist um þær, og skal þá málid dómtekið og dómarí lagður á það í samræmi við samþykki stefnda.

□ 2. Um sáttauhlitan, gerð sáttar og áhrif hennar fer eftir ákvæðum XV. kafla.

■ **99. gr.** 1. Ef stefndi sækir þing við þingfestingu málss á hann rétt á hæfilegum fresti til að taka afstöðu til krafna stefnanda og kanna framkomin gögn.

□ 2. Haldi stefndi uppi vörnum í máli skal hann leggja fram skriflega greinargerð um þær við lok frests skv. 1. mgr. Í henni skal greint frá aðilum, málflutningsumboði, kröfum stefnda, gögnum sem hann leggur fram og gögnum sem hann telur að enn purfi að afla. Þá skal þar lýst á gagnorðan og skýran hátt málsástæðum stefnda og öðrum atvikum sem þarf að greina til þess að samhengi málsástæðna verði ljóst, auk þess að vísað skal til helstu lagaákvæða eða réttarreglna sem stefndi byggir málatilbúnað sinn á. Þá skulu þeir tilgreindir sem stefndi hyggst leiða til skýrslugjafar fyrir dómi um atvik málss. Dómarí getur veitt stefnda frekari frest til að leggja fram greinargerð ef hann telur réttmæta ástæðu til þess.

□ 3. Stefnanda er með sama hætti og stefnanda heimilt að leggja fram gögn og skriflega aðilaskýrslu sína um atvik málss.

■ **100. gr.** 1. Þegar stefndi hefur lagt fram greinargerð athugar dómarí hvort gallar séu á málí sem geta varðað frávísun þess án kröfu. Telji dómarí slíka galla fyrir hendi gefur hann aðilum kost á að tjá sig um það munnlega. Ef mál skal sæta frávísun án kröfu kveður dómarí upp úrskurð um frávísun þess þegar að því loknu.

□ 2. Nú krefst stefndi frávísunar málss í greinargerð, og skal þá málid flutt munnlega um þá kröfu áður en fjallað verður frekar um efni þess og leyst úr kröfunni í úrskurði. Frá þessu má víkja ef krafan byggist á ástæðum sem varða einnig efni málss og nægilegar upplýsingar þykja ekki komnar fram að því leyti.

□ 3. Nú hrindir dómarí frávísunarkröfu, og er hann þá ekki

bundinn af þeim úrskurði ef nýjar upplýsingar koma fram síðar undir rekstri máls um þau atriði sem úrskurðað var um.

□ 4. Ef dómari verður þess var eftir dómtöku máls að gallar séu á því sem varða frávísun á einni eða fleiri kröfum, en þó ekki þeim öllum, getur hann kveðið á um frávísun máls að hluta og leyst úr efni þess að öðru leyti í domi. Það sama á við ef aðilar eru fleiri en einn til sóknar eða varnar og frávísun varðar einn eða fleiri þeirra en ekki þá alla.

□ 5. Nú fellir æðri dómur úr gildi úrskurð um frávísun máls að einhverju leyti eða öllu, og skal þá héraðsdómari taka mál-ið upp á ný samkvæmt ákvæðum aðra dóms eins og það stóð þegar hann tók það til úrskurðar.

■ **101. gr.** 1. Nú heldur stefndi uppi vörnum í máli og því verður ekki vísað frá domi, og skal þá flytja það munnlega. Dómari getur þó ákveðið að mál verði skriflega flutt ef hann telur hættu á að það skýrist ekki nægilega með munnlegum málflutningi. Dómari getur einnig ákveðið að mál verði tekið til dóms án málflutnings ef aðilar eru sammála um það.

□ 2. Ef mál varðar flókin fjárvíðskipti getur dómari gefið aðilum kost á að leggja fram útreikninga sem kröfur þeirra byggjast á, enda hafi slískar upplýsingar ekki komið fram með fullnægjandi hætti í öðrum gögnum máls.

□ 3. Aðilum ber eftir föngum að gefa glöggar og greinilegar yfirlýsingar fyrir domi. Dómara ber að fylgjast með máli í öllum atriðum og spryja aðila um hvert það atriði, sem honum þykir óljóst og kann að hafa þýðingu, og skal hann kosta kapps um að yfirlýsingar þeirra verði nægilega glöggar.

□ 4. Dómara er skyld að leiðbeina aðila, sem er ólöglaður og flytur mál sitt sjálfur, um formhlíð máls eftir því sem dómara virðist nauðsyn bera til.

□ 5. Málsástæður og mótmæli skulu koma fram jafnskjótt og tilefni verður til. Að öðrum kosti má ekki taka slískar yfirlýsingar til greina nema gagnaðili samþykki eða aðili hefur þarfnað leiðbeininga dómara en ekki fengið þær.

■ **102. gr.** 1. Pégars stefndi hefur lagt fram greinargerð sína skal mál jafnan tekið fyrir einu sinni til þess að leita sáttu og gefa aðilum kost á að koma að sýnilegum sönnunargögnum sem ekki hefur áður verið tilefni eða tækifæri til að leggja fram. Í því þinghaldi skal eftir atvikum leitað svara aðila við því í hverju skyni þeir hyggjast sjálfir gefa skýrslur og leiða einstök vitni til þess að staðreyna hvort og að hverju marki skýrslugjafar sé þörf. Dómara er rétt að inna aðila eftir því hve langan tíma þeir þurfi fyrir málflutningsræður við aðalmeðferð og ákveður dómari síðan lengd hennar í ljósi þess.

□ 2. Dómari getur orðið við ósk aðila um að fresta máli frekar ef hann telur það vænlegt til að ná sáttum eða nauðsynlegt til að afla gagna sem nægilegur frestur hefur ekki áður verið til, en báðum aðilum ber þá jöfnum höndum að nota sama frest til gagnaöflunar. Að öðrum kosti synjar dómari að jafnaði um frest, þótt aðilar séu á einu máli um að æskja hans.

□ 3. Nú fær dómari vitneskjú um að [sakamál]<sup>1)</sup> hafi verið höfðað eða . . .<sup>1)</sup> rannsókn standi yfir vegna refsiverðs athæfis og telja má að úrslit þess máls eða rannsóknar skipti verulegu máli um úrslit einkamálsins, og getur hann þá frestað máli af sjálfsdáum þar til séð er fyrir enda [sakamáls]<sup>1)</sup> eða rannsóknar. Með sama hætti má fresta máli ef annað einkamál hefur verið höfðað út af efni sem varðar úrslit þess verulega eða það efni hefur verið réttilega lagt til úrlausnar stjórnvalds.

□ 4. Dómari getur orðið við ósk aðila um að gefa munnlega skýrslu fyrir domi um atriði sem varða öflun gagna áður en komið er að aðalmeðferð máls. Eins er heimilt að taka skýrslu fyrir domi áður en öflun sýnilegra sönnunar-

gagna er lokið ef það þarf að gera eftir ákvæðum XI. kafla eða sá sem á að gefa skýrslu verður fjarverandi vegna lög-mætra forfalla þegar þing er háð til aðalmeðferðar máls.

□ 5. Að jafnaði ákveður dómari ekki hvenær þing verði háð til aðalmeðferðar máls fyrr en aðilar hafa lýst lokið öflun sýnilegra sönnunargagna. Eftir það er aðilum að jafnaði óheimilt að leggja fram sýnileg sönnunargögn. Frá þessu getur dómari þó vikið ef það veldur ekki töfum á máli, ekki hefur áður verið unnt að afla tiltekinna gagna eða skort hefur á leiðbeiningar hans eða ábendingar.

<sup>1)</sup> L. 88/2008, 234. gr.

■ **103. gr.** 1. Pégars gagnaöflun er lokið skv. 102. gr. ákveður dómari með hæflegum fyrirvara hvenær þing verði háð til aðalmeðferðar, en þá skulu að jafnaði fara fram í einni lotu skýrslutökur og munnlegur flutningur máls. Ef dómara þykir ástæða til getur hann beint því til aðila að þeir leggi fram skriflega kröfugerð og talningu málsástæðna við aðalmeðferð.

□ 2. Aðalmeðferð hefst með því að dómari gefur stefnanda kost á að gera stuttlega grein fyrir málinu og að því búnu á stefndi fari að gera stuttar athugasemdir við lýsingu stefnanda. Síðan eru teknað skýrslur af aðilum og vitnum og gengið á vettvang ef því er að skipta.

□ 3. Að loknum skýrslutökum fer fram munnlegur flutningur máls. Stefnandi talar fyrst og síðan stefndi, en rétt er að tal-að sé tvívar af hálfu hvors. Dómari getur leyft aðilum sjálfum að gera stuttar athugasemdir að loknum munnlegum málflutningi umboðsmanna þeirra. Dómari stýrir málflutningi og gætir þess að ræðumaður haldi sig við efnið og að málflutningur sé glöggur og sæmilegur. Dómari getur takmarkað mál-frelsi þess sem lagar sig ekki að áminningum hans eða fer að mun fram úr þeim tíma sem hefur verið áætlað að málflutningur hans muni taka.

□ 4. Nú er mál skriflega flutt, og skal þá fresta því að loknum skýrslutökum til þess að stefnandi leggi fram sókn. Að henni fram kominni verður máli frestað á ný til þess að stefndi leggi fram vörn. Enn verður máli síðan frestað til þess að aðilar eigi báðir kost á að leggja fram skrifleg andsvör einu sinni.

□ 5. Að loknum málflutningi tekur dómari málið til dóms.

■ **104. gr.** Nú verður dómari þess var eftir dómtöku máls að verulegur brestur sé á skýrleika í yfirlýsingum aðila eða upp-lýsingum um málsatvik og telja má brestinn stafa af því að dómari hafi ekki gætt nægilega að leiðbeiningum við aðila eða ábendingum til þeirra, og skal hann þá kveðja aðila fyrir dóm og eftir atvikum beina spurningum til þeirra eða benda þeim á nauðsyn þess að frekari gagna verði aflað. Fresta má málinu eftir þörfum, en að því búnu gefur dómari aðilum kost að gera athugasemdir til viðbótar fyrri málflutningi sínum og tekur málið til dóms á ný.

■ **105. gr.** 1. Mál verður felt niður ef:

a. stefndi leysir af hendi þá skyldu sem hann er krafinn um í málinu,

b. stefnandi sækir ekki þing og hefur ekki lögmælt forföll,

c. stefnandi krefst þess,

d. stefnanda er vikið af dómþingi eða umboðsmanni hans þannig að enginn sé þá viðstaddir af hans hálfu,

e. stefnandi greiðir ekki lögmælt gjöld eftir kröfu dómara.

□ 2. Ef mál verður felt niður skv. b- til e-lið 1. mgr. og stefndi sækir þing og krefst málskostnaðar úr hendi stefnanda kveður dómari upp úrskurð um kröfuna og niðurfellingu

málsins. Slíkan úrskurð getur dómari fellt úr gildi ef stefnandi sannar að hann hafi haft lögmæt forföll þegar þingsókn hans fíll niður.

□ 3. Í öðrum tilvikum en greinir í 2. mgr. verður mál fellt niður með bókun í þingbók nema ágreiningur standi um hvort það verði gert sem dómari tekur þá afstöðu til með úrskurði.

#### XV. kaffi. Sáttir.

■ 106. gr. 1. Dómari leitar sáttu ef aðilar fara með forræði á sakarefni nema hann telji víst að sáttatilraun verði árangurslaus vegna eðlis málsins, afstöðu aðila eða annarra ástæðna.

□ 2. Dómari leitar að jafnaði sáttu eftir að stefndi hefur lagt fram greinargerð sína en áður en þing er háð til aðalmeðferðar. Dómara er heimilt að leita sáttu fyrr, svo og við aðalmeðferð eða eftir að flutningi máls er lokið. Ekki stendur það í vegi sáttamleitana að þær hafi áður verið reyndar án árangurs.

□ 3. Úrlausn héraðsdóms verður ekki ómerkt fyrir æðra dómi fyrir þær sakir að sáttu hafi ekki verið leitað.

■ 107. gr. 1. Dómari getur orðið við ósk aðila um að vísa sáttamleitunum í máli til sýslumannsins í þeiri þinghá þar sem mál var höfðað ef dómari telur það vænlegt til árangurs og ekki leiða til óþarfra tafa. Aðilum er og rétt að koma séri saman um að vísa máli sínu til sáttamleitana sýslumanns án atbeina dómara milli þess að mál þeirra er tekið fyrir á dómþingi eða áður en mál er höfðað.

□ 2. Þegar sáttamleitunum er vísað til sýslumanns skal sá sem gerir það láta honum í té málsgögn í þeim mæli sem þörf krefur. Skal sýslumaður síðan svo fljótt sem verða má kveðja aðila á sinn fund og reyna með þeim sættir.

□ 3. Sýslumaður fellir niður sáttamleitanir ef sáttafundur er ekki sóttur af hendi beggja aðila eða þegar hann telur annars sýnt að þær beri ekki árangur.

□ 4. Ef sátt tekst fyrir sýslumanni skal hún bókuð í sérstakri gerðabók hans. Nú tekst sátt að nokkru leyti en ekki öllu, og fer þá um framhald málss fyrir dómi eftir 2. mgr. 108. gr.

□ 5. Sátt, sem er gerð fyrir sýslumanni, felur í sér lok dómsmáls, eftir atvikum að því leyti sem sátt hefur tekist. Fullnægja má skyldu samkvæmt sátt sem tekst fyrir sýslumanni með aðför.

■ 108. gr. 1. Dómari getur synjað aðilum um að gera dómsátt ef hann telur ólögmætt að gera hana, efni hennar óljóst eða ómögulegt að efna hana. Dómari kveður upp úrskurð um þetta ef þess er krafist.

□ 2. Dómsátt má gera um hluta máls og verður það þá rekið áfram að öðru leyti. Ef sátt tekst um annað en málskostnað skal hann ákveðinn með úrskurði.

□ 3. Sátt má gera um kröfur þótt þær hafi ekki verið gerðar fyrir dómi.

□ 4. Gera má dómsátt um málsefni sem hefur verið dæmt fyrir héraðsdómi á næstu níu mánuðum eftir uppkvaðingu dóms.

■ 109. gr. Dómsáttar skal getið í þingbók og tekur dómsáttin í þá gildi. Dómsáttin skal gerð skriflega og undirrituð af aðilum. Ef hún er ekki skráð í heild sinni í þingbók skal leggja hana fram sem málsskjall. Ef mál heldur áfram að nokkru skal þess getið í bókuninni, en ella er því lokið.

■ 110. gr. 1. Dómsmál má höfða til að fá dómsátt ógilta að hluta eða öllu leyti.

□ 2. Ef aðili byggir rétt á dómsátt í dómsmáli getur gagnaðili vefengt gildi hennar. Það sama á við ef réttur er byggður á dómsátt við fullnustugerð eða búskipti.

□ 3. Í dómsmáli skv. 1. eða 2. mgr. er dómari bundinn af úrlausn hliðsetts dómara um atriði sem hann hefur tekið afstöðu til.

□ 4. Ákvæði 1. og 2. mgr. gilda um sátt sem tekst fyrir sýslumann.

#### XVI. kaffi. Dómsúrlausnir héraðsdóms.

■ 111. gr. 1. Dómari má ekki fara út fyrir kröfur aðila í dómi sínum eða úrskurði nema um atriði sé að ræða sem honum ber að gaða af sjálfsdáðum. Kröfu, sem kemur ekki fram í stefnu, skal vísað frá dómi nema stefndi hafi samþykkt að hún kæmist að án þess. Sama er um hækjun á kröfu eða aðrar breytingar stefnda í óhag.

□ 2. Dómari má ekki byggja niðurstöðu sína á málsástæðu eða mótmælum sem hefðu mátt koma fram en gerðu það ekki við meðferð máls. Nú er atviks getið í framlögðu skjali en aðili hefur ekki hreyft því sérstaklega sem málsástæðu við flutning máls, og metur þá dómari eftir atvikum hvort sú málsástæða komi til greina.

□ 3. Dómari metur eftir atvikum hvort þögn aðila við staðhæfingu eða kröfu gagnaðila skuli meta sem samþykki eða ekki.

■ 112. gr. 1. Að því leyti sem önnur ákvæði laga þessara mæla ekki á annan veg og ágreiningur er ekki uppi tekur dómari afstöðu til atriða sem varða rekstur máls með ákvörðun sem verður eftir atvikum skráð í þingbók. Slík atriði má einnig leiða til lykta með ákvörðun þótt ágreiningur sé um þau ef ágreiningsefnið sætir ekki keru til æðra dóms.

□ 2. Dómari leysir úr öðrum atriðum sem þarf að ráða til lykta fyrir dómtoku máls með úrskurði. Úrskurð skal kveða upp þegar í stað í þinghaldi ef unnt er, en að öðrum kosti svo fljótt sem verða má.

□ 3. Úrskurður skal vera skriflegur og skráður í þingbók eða dómbabók. Dómari skal færa rök fyrir niðurstöðu sinni í úrskurði án þess að greina frá atvikum máls eða kröfum eða rökstuðningi aðila, en niðurstaðan skal síðan dregin saman í úrskurðarordi.

□ 4. Feli úrskurður í sér lokaniðurstöðu máls skulu forsendur fylgja úrskurðarordi með sama hætti og ef um dómi væri að ræða. Ef mál er vísað frá dómi án kröfu stefnda eða það er fellt niður má dómari þó láta við það sitja að greina í forsendum úrskurðar frá aðilum og þingfestingardegi máls, kröfum aðila og rökstuðningi fyrir niðurstöðu.

□ 5. Dómari getur breytt ákvörðun sinni um atriði sem varða rekstur máls, svo og úrskurði sem felur ekki í sér lokaniðurstöðu máls, sbr. þó 2. mgr. 105. gr.

■ 113. gr. 1. Nú hefur útvist orðið af hálfu stefnda án þess að greinargerð kæmi fram af hendi hans og kröfur stefnanda eru þess efnis að það sé unnt að fullnægja þeim með aðför. Ef dómari telur málatilbúnaði stefnanda í engu áfátt og að taká megi kröfur hans til greina má dómari ljúka mál með því að rita á stefnu að dómkröfurnar séu aðfararhæfar, svo og upphæð málskostnaðar eftir ákvörðun hans. Dómari getur um leið leiðrétt augljósar villur í stefnu til samræmis við þau skjöl sem stefnandi byggir á í málinu. Verði mál ekki lok-ið með þessum hætti skal kveðinn upp dómur eða úrskurður eftir almennum reglum.

□ 2. Áritun dómara á stefnu skv. 1. mgr. hefur sama gildi og dómur. Henni verður ekki skotið til æðra dóms.

■ 114. gr. 1. Nú verður mál ekki fellt niður eða því vísað frá dómi eða lokið með sátt eða áritun skv. 113. gr., og skal þá saminн skriflegur dómur þar sem forsendur fylgja dómsordi. Í upphafi dóms skal koma fram heiti og númer máls, svo og

hvar og hvenær hann sé kveðinn upp, en í forsendum skal síðan greina:

- a. hvenær mál var höfðað og dómtekið,
- b. nöfn og heimili aðila,
- c. kröfur aðila,
- d. stutt yfirlit um atvik að baki máli og ágreiningsefni í því,
- e. helstu málsástæður aðila og réttarheimildir sem þeir byggja á,
- f. rökstudda niðurstöðu um sönnunaratriði og lagaatriði,
- g. athugasemdir um rekstur máls og réttarfarssectir,
- h. málskostnað,
- i. nöfn dómdena og hver sé dómsformaður ef dómur er fjölskipaður, svo og starfsheiti meðdómsmanna.

□ 2. Í dómsordi skal aðalniðurstaða máls dregin saman, svo sem sýkna ef sýknað er af öllum efniskröfum, kröfur stefnanda sem eru teknar til greina o.s.frv.

□ 3. Dómar skulu vera stuttir og glöggir.

□ 4. Ekki má skírkota í dómi til sannana eða atvika sem kunna síðar að koma fram. Þó má verða við kröfu um að stefnda verði gert að leysa af hendi skyldu gegn tilteknun gagngjaldi úr hendi stefnanda eða að skylda verði lögð að stefnda til annars en peningagreiðslu að viðlögdum dagsektum.

□ 5. Í dómi má eftir kröfu kveða á um aðfararfrest ef sérstök ástæða þykir til að víkja frá almennum reglum laga í þeim efnum. Þá má ákveða í dómi eftir kröfu ef mikilvægir hagsmunir þykja í húfi að áfrýjun málssins hindri ekki aðförf eftir dóminum, en eftir atvikum má það vera háð því skilyrði að dómhafi setji þá tiltekna tryggingu við aðförf. Kröfu um dómsákvæði sem þessi má setja fram við aðalmeðferð máls.

■ 115. gr. 1. Dómur skal kveðinn upp svo fljótt sem unnt er. Hafi dómur ekki verið kveðinn upp í máli sem var munnlega flutt innan fjögurra vikna frá því það var dómtekið skal það flutt á ný nema dómari og aðilar telji það óþarft.

□ 2. Ef dómur er fjölskipaður og mál munnlega flutt skulu allir dómundur hafa hlýtt á flutning þess. Geti þeir ekki allir tekið þátt í uppkvaðningu dóms skal nefna dómara í stað þess sem hefur misst við og endurtaka munnlegan flutning máls. Afl atkvæða ræður úrslitum um hvert atriði. Nú verður dómari í minni hluta um eitthvert atriði, og skal hann þá allt að einu taka þátt í ályktun um önnur atriði, en ágreiningsatriðis skal þá getið í dómi. Formaður dóms stýrir atkvædagreiðslu og sér um samningu dóms.

□ 3. Dómari tilkynnir aðilum hvar og hvenær dómur eða úrskurður verði kveðinn upp ef vörnum hefur verið halddi uppi í máli. Við uppkvaðningu skal lesa upp dómsord eða úrskurðarorð á dómbingi í heyrandi hljóði. Endurrit af dómi eða úrskurði skal að öðru jöfnu vera til reiðu við uppkvaðningu hans.

□ 4. Frestir samkvæmt dómi eða úrskurði byrja að líða þegar við uppkvaðningu hans án tillits til þess hvort aðilar séu þar staddir.

■ 116. gr. 1. Dómur er bindandi um úrslit sakarefnis milli aðila og þeirra, sem koma að lögum í þeirra stað, um þær kröfur sem eru dæmdar þar að efni til.

□ 2. Krafa sem hefur verið dæmd að efni til verður ekki borin aftur undir sama eða hlíðsettán dólmstól framar en segir í lögum þessum. Nýju máli um slíka kröfu skal vísað frá dómi.

□ 3. Dómur er bindandi fyrir dómara þegar hann hefur verið kveðinn upp. Dómara er þó heimilt að leiðréttu ritvillur, reikningsskekkjur, nafnskekkjur og aðrar bersýnilegar villur

í dómi, enda láti hann aðilum sem hafa fengið endurrit af dómi þá í té nýtt endurrit án tafar.

□ 4. Dómur hefur fullt sönnunargildi um þau málsatvik sem í honum greinir þar til það gagnstæða er sannað.

#### 4. þáttur. Afbrigðileg meðferð einkamála í héraði.

#### XVII. kaffli. Mál um víxla, tékka og skuldabréf.

■ 117. gr. Mál, sem fara eftir ákvæðum þessa kafla, eru:

a. víxilmál, en til þeirra teljast mál gegn útgefanda, framseljanda og samþykkjanda víxls á hendur öðrum manni og gegn útgefanda og framseljanda eigin víxls til greiðslu víxílkröfу eða til að koma fram endurgreiðslukröfу eftir víxilrétti, mál gegn útgefanda og framseljanda víxls vegna skorts á samþykki til greiðslu víxilupphæðar að öllu leyti eða nokkru og mál gegn ábyrgðarmönnum víxilupphæðar,

b. tékkamál, en til þeirra teljast mál um endurgjaldskröfу gegn tékkaskuldara samkvæmt lögum um tékka,

c. skuldabréfamál, en til þeirra teljast mál til greiðslu skuldar samkvæmt skuldabréfi, enda sé skráður samningur í texta þess um að mál samkvæmt því verði rekið eftir ákvæðum þessa kafla.

■ 118. gr. 1. Stefndi getur aðeins haft uppi eftirtaldar varnir um efni máls:

a. að mál sé höfðað af röngum aðila eða því sé ranglega beint að sér,

b. að aðila hafi skort hæfi að lögum til að taka á sig skuld-bindinguna,

c. að undirskrift á skjali sé fölsuð eða efni skjals sé falsað.

□ 2. Í víxilmáli má stefndi einnig koma að vörnum sem varða form og efni víxls, aðferðina til að halda víxílkröfу í gildi og önnur atriði sem eru skilyrði til að koma fram víxilrétti eftir víxillögum. Það sama á við um tékkamál.

□ 3. Í skuldabréfamáli má stefndi einnig koma að vörnum ef hann á ekki að sanna þær staðhæfingar sem varnirnar byggjast á eða unnt er að sanna staðhæfingarnar með skjölum sem hann leggur þegar fram.

□ 4. Hafa má uppi gagnkröfу til skuldajafnaðar eða sjálfstæðs dóms í máli samkvæmt ákvæðum þessa kafla ef gagnkrafan er sams konar og aðalkrafan eða gagnkrafan styðst annars við víxil eða tékka. Í víxil eða tékkamáli má einnig koma að gagnkröfу sem er sprottin af því að aðili hafi ekki gefið þær tilkynningar til formanna sinna á víxli eða tékka sem eru boðnar í víxillögum eða lögum um tékka.

■ 119. gr. 1. Ef stefnandi samþykkir má stefndi koma að frekari vörnum en er getið í 118. gr.

□ 2. Nú fer stefndi á mis við að koma vörnum að í máli vegna ákvæða 118. gr., og getur hann þá höfðað mál gegn stefnanda eftir almennum reglum til heimtu skaðabóta.

□ 3. Að öðru leyti fara mál samkvæmt þessum kafla eftir ákvæðum 3. þáttar.

#### XVIII. kaffli. Ógildingar- og eignardómsmál.

■ 120. gr. 1. Ógilda má glótuð eða horfin skuldabréf og hvers önnur heimildarbréf með dómi eftir reglum þessa kafla, enda taki ekki sérstök ákvæði annarra laga til ógildingar á þeim. Ógildingardómur heimilar dómhafa að ráðstafa því sem skjalið hljóðar um eins og hann hefði skjalið undir höndum.

□ 2. Mál til ógildingar á veðskuldabréfi skal höfðað í þeirri þinghá þar sem því var eða yrði þinglýst. Mál til ógildingar á öðru skjali skal höfða í þeirri þinghá þar sem það var gefið út. Ef þessu verður ekki komið við en skjal verður þó ógilt hér á landi skal höfða mál fyrir dómi í Reykjavík.

■ **121. gr.** 1. Nú vill maður höfða mál til ógildingar á skjali, og skal hann þá afhenda dómara stefnu til útgáfu og endur-rit af skjalini eða nákvæma lýsingu á efni þess. Í stefnunni skal greint frá því sem er vitað um afdrif skjalsins og rökstutt hvernig hlutaðeigandi telji til réttar samkvæmt því.

□ 2. Ef dómari telur skilyrðum fyrir ógildingardómi ekki vera fyrir hendi synjar hann um útgáfu stefnu. Skal kveðinn upp úrskurður um synjunina ef krafist er.

□ 3. Ef dómari telur skilyrðum fyrir ógildingardómi full-nægt gefur hann út stefnu, en í henni skal skorað á hvern þann sem kann að hafa skjalið undir höndum að koma með það fyrir dóm við þingfestingu málsins, því ella megi vænta að það verði ógilt með dómi. Stefnan skal birt einu sinni í Lögþingablaði.

□ 4. Nú kemur enginn fram með skjalið við þingfestingu máls og enginn mótmælir annars ógildingu þess, og skal þá ógildingardómur kveðinn upp nema gallar á málatilbúnaði leiði til frávísunar máls. Sé vörnum haldið uppi skal mælt fyrir í dómi um ógildingu skjals eða synjun um ógildingardóm.

□ 5. Að öðru leyti fer um ógildingardómsmál eftir ákvæðum 3. páttar.

■ **122. gr.** 1. Nú sannar maður eða gerir sennilegt að hann hafi öðlast réttindi yfir fasteign, skrásettu skipi eða loftfari, skrásettri bifreið eða viðskiptabréfi með samningi eða hefð, en hann skortir skilríki fyrir rétti sínum, og getur hann þá leitað eignardóms. Eignardómur veitir dómhafa heimild til að ráða yfir og ráðstafa eigninni eins og hann hefði afsalsbréf fyrir henni eða annað viðeigandi skjal.

□ 2. Um varnarþing í eignardómsmáli og meðferð þess fer eftir ákvæðum 2. mgr. 120. gr. og 121. gr. að breyttu breytanda.

### XIX. kafli. Flýtimeðferð einkamála.

■ **123. gr.** 1. Nú hyggst aðili höfða mál vegna ákvörðunar eða athafnar stjórnvalds eða verkfalls, verkbanni eða annarra aðgerða sem tengast vinnudeilu og það færí ella eftir almennum reglum þessara laga. Getur hann þá óskað eftir því að málið sæti meðferð eftir ákvæðum þessa kafla ef brýr þörf er á skjótri úrlausn, enda hafi hún almenna þýðingu eða varði stórfellda hagsmuni hans.

□ 2. Aðili, sem æskir málsmæðferðar eftir reglum þessa kafla, skal afhenda forstöðumanni dómstóls stefnu ásamt skriflegri beiðni um útgáfu hennar og þeim málsgögnum sem geta stutt beiðnina. Í stefnu skal höfð eyða til þess að dómari geti skráð þar stað og stund til þingfestingar og stefnufrest og skal tekið fram í texta hennar að dómari hafi fallist á beiðni um að málið sæti meðferð eftir ákvæðum þessa kafla. Í beiðni skal rökstutt ítarlega hvernig megi telja skilyrðum 1. mgr. fullnægt.

□ 3. Ef skilyrðum 1. mgr. er ekki fullnægt synjar dómari um útgáfu stefnu. Skal kveðinn upp úrskurður um synjunina ef krafist er.

□ 4. Nú er fallist á að mál sæti meðferð eftir ákvæðum þessa kafla, og skal því þá þegar úthlutað dómara til meðferðar. Hann gefur út stefnu og ákveður um leið hvar og hvenær mál verður þingfest, sem að öðru jöfnu skal gert utan reglu-legs dómþings, og hver stefnufrestur skuli vera, en hann má skemmstur vera einn sólarhringur.

□ 5. Ákvæðum þessarar greinar má beita við höfðun gagn-sakar þannig að mál sæti upp frá því í heild sinni meðferð eftir reglum þessa kafla. Ef beiðni berst um slíkt gefur for-

stöðumaður dómstóls þó gagnaðila kost á að tjá sig um hana áður en afstaða er tekin til hennar.

■ **124. gr.** 1. Ef vörnum er haldið uppi í máli skal því að eins frestað í þeim mæli sem brýna nauðsyn ber til. Þeirra atriða, sem getur í 1. mgr. 102. gr., skal gætt í þinghaldi þegar stefndi leggur fram greinargerð og ber að öðru jöfnu að ljúka þá öflun sýnilegra sönnunargagna.

□ 2. Að kröfum aðila getur dómari ákveðið að vitni verði kvatt fyrir dóm með skemmmi fyrirvara en getur í 2. mgr. 54. gr.

□ 3. Dómur skal kveðinn upp svo fljótt sem verða má eftir dómþoku máls.

□ 4. Ef úrskurður dómara um atriði, sem varðar rekstur máls, er kærður til æðra dóms skal sá frestur sem getur í 1. mgr. 149. gr. vera þrír sólarhringar.

□ 5. Frestur til að áfrýja máli, sem sætir meðferð eftir ákvæðum þessa kafla til æðra dóms án áfrýjunarleyfis, er þjár vikur frá uppkvaðningu dóms. . . .<sup>1)</sup> Frestir í máli fyrir Hæstarétti skulu vera svo skammir sem verða má.

□ 6. Að öðru leyti fer um þessi mál eftir almennum reglum.

<sup>1)</sup> L. 38/1994, 3. gr.

### 5. þáttur. Gjafsókn, málskostnaður og réttarfarssektir.

#### XX. kafli. Gjafsókn.

■ **125. gr.** 1. Í þessum kafla er orðið gjafsókn notað bæði um gjafsókn og gjafvörn.

□ 2. [Ráðherra]<sup>1)</sup> skal skipa nefnd þriggja lögfræðinga, gjaf-sóknarfend, til fjögurra ára í senn til að veita umsögn um umsóknir um gjafsókn. Einn nefndarmanna skal skipaður eftir tilnefningu Lögmannafélags Íslands en annar eftir tilnefningu Dómarafélags Íslands. [[Ráðherra]<sup>1)</sup> getur kveðið nánar á um starfshætti gjaf-sóknarfendrar í reglugerð.<sup>2)</sup>]<sup>3)</sup>

□ 3. Umsókn um gjafsókn skal vera skrifleg og beint til [ráðherra].<sup>1)</sup> Í henni skal greint skýrlega frá máli sem hún varðar og rökstutt að skilyrðum fyrir gjafsókn sé fullnægt. Umsókn skulu fylgja gögn eftir þörfum.

□ 4. [Ráðherra]<sup>1)</sup> veitir gjafsókn eftir umsókn aðila. Hún verður því aðeins veitt að gjaf-sóknarfend mæli með því.

<sup>1)</sup> L. 162/2010, 126. gr. <sup>2)</sup> Rg. 45/2008, sbr. 1059/2010. <sup>3)</sup> L. 7/2005, 1. gr.

■ **126. gr.** 1. [Einstaklingi má veita gjafsókn ef fjárhag hans er þannig háttáð að kostnaður af gæslu hagsmunu hans í máli yrði honum fyrirsjáanlega ofviða enda sé nægilegt tilefni til málshöfðunar eða málsvarnar og eðlilegt megi teljast að öðru leyti að gjafsókn sé kostuð af almannafé. [Ráðherra]<sup>1)</sup> getur með reglugerð<sup>2)</sup> kveðið nánar á um skilyrði gjaf-sóknar, þar með talið hvenær nægilegt tilefni sé til veitingar gjaf-sóknar, þau atriði sem líta ber til við mat á fjárhagsstöðu umsækjanda og heimildir til takmörkunar á gjafsókn skv. 1. mgr. 127. gr.]<sup>3)</sup> [Ráðherra getur jafnframt með reglugerð kveðið á um hámark gjaf-sóknarfjárhæðar í einstökum málaflokkum sem og hámark þeirra teknar sem umsækjandi má hafa til að fá gjafsókn vegna efnahags].<sup>4)</sup>

□ 2. Gjafsókn verður enn fremur veitt eftir því sem fyrir er mælt í öðrum lögum.

□ 3. Nú er gjafsókn veitt, og skal þá tekið fram í gjaf-sóknarbréfi til hvaða málss hún taki, hvort hún sé veitt til rekstrar málss fyrir heraðsdómi eða æðra dómi og hvort hún sé takmörkuð með tilteknum hætti.

<sup>1)</sup> L. 162/2010, 126. gr. <sup>2)</sup> Rg. 45/2008, sbr. 1059/2010. <sup>3)</sup> L. 7/2005, 2. gr. <sup>4)</sup> L. 70/2009, 19. gr.

■ **127. gr.** 1. Að því leyti sem hér er ekki mælt á annan veg skuldbindur gjafsókn ríkið til að greiða þann málskostnað sem gjaf-sóknarfafi hefur sjálfur af máli. Gjafsókn má þó

takmarka þannig að hún nái aðeins til tiltekinna þátta málskostnaðar eða geti häst numið tiltekinni fjárhæð.

□ 2. Ef þóknun umboðsmanns gjafsóknarhafa fyrir flutning máls er ekki undanskilin gjafsókn skal hún ákveðin í dómi. Takist sátt í máli ákveður dómari þóknunina í úrskurði.

□ 3. Gjafsóknarhafi er undanþeginn öllum greiðslum í ríkissjóð vegna þess máls sem gjafsókn tekur til, þar á meðal greiðslum fyrir opinber vottorð og önnur gögn sem verða lögð fram í máli.

□ 4. Ef annað er ekki tekið fram í gjafsóknarbréfi nær gjafsókn einnig til kostnaðar af fullnustu réttinda gjafsóknarhafa með aðförl og nauðungarsölu.

□ 5. Nú skýtur gagnaðili gjafsóknarhafa máli til aðra dóms, og nær þá gjafsókn einnig til málskostnaðar gjafsóknarhafa þar fyrir dómi, þar á meðal af gagnáfrýjun eða gagnkæru máls, ef annað er ekki tekið fram í gjafsóknarbréfi.

■ **128. gr.** 1. Gjafsókn fellur ekki niður þótt gjafsóknarhafi láttist.

□ 2. [Ráðherra]<sup>1)</sup> má afturkalla gjafsókn ef í ljós kemur að hún var veitt að ófyrirsynju, hagur gjafsóknarhafa breytist svo að hennar sé ekki lengur þörf eða gjafsóknarhafi lætur hjá líða að krefjast málskostnaðar úr hendi gagnaðila síns. Við afturkóllun fellur greiðsluskylda ríkisins niður án tillits til þess hvort þegar hefur verið stofnað til kostnaðar vegna málsins. Gjafsóknarhafi verður þó ekki krafinn um greiðslu gjalda sem hann hefur komist hjá skv. 3. mgr. 127. gr. áður en gjafsókn var afturkólluð.

□ 3. Gjafsókn breytir engu um að gjafsóknarhafa verði sjálftum gert að greiða gagnaðila sínum málskostnað.

□ 4. Nú verður gagnaðili gjafsóknarhafa dæmdur til að greiða málskostnað, og skal þá ekki tekið tillit til þess að gjafsókn hafi verið veitt við ákvörðun málskostnaðar. Ef gjafsóknarhafi hefur sjálfur haft kostnað af máli skal honum ákveðin greiðsla málskostnaðar að því leyti í dómi, en að öðru leyti verður málskostnaður dæmdur ríkinu.

<sup>1)</sup> L. 162/2010, 126. gr.

## XXI. kaffi. Málskostnaður.

■ **129. gr.** 1. Til málskostnaðar telst:

- kostnaður af flutningi máls,
- kostnaður af birtingu stefnu, kvaðninga og annarra tilkynninga,
- gjöld sem renna í ríkissjóð vegna máls,
- óhjákvæmilegur ferðakostnaður aðila og umboðsmanns hans,
- þóknun matsmanns, vitnis, túlks, þýðanda og þingvotts,
- kostnaður af endurritum, dómsgerðum og ágripi dómsgerða,
- annar kostnaður sem stafar beinlínis af máli.

□ 2. Aðili, sem krefst dómsathafnar, greiðir kostnað af henni um sinn.

□ 3. Aðila er rétt að krefjast greiðslu málskostnaðar úr hendi gagnaðila síns, þar á meðal í gagnsök og meðalögusök, eftir mati dómsins eða samkvæmt sundurliðuðum reikningi sem er lagður fram ekki síðar en við aðalmeðferð máls. Málskostnaður verður því aðeins dæmdur að hans sé krafist.

□ 4. Málskostnaður, sem er dæmdur aðila úr hendi gagnaðila hans, ber dráttarvexti frá fimmtánða degi eftir uppkvæmingu dóms eða úrskurðar og til greiðsludags þótt þess sé ekki krafist sérstaklega eða getið í dómi eða úrskurði.

■ **130. gr.** 1. Sá sem tapar máli í öllu verulegu skal að jafnadi dæmdur til að greiða gagnaðila sínum málskostnað.

□ 2. Stefnanda skal gert að greiða stefnda málskostnað ef máli er vísað frá dómi eða það er fellt niður af annarri ástæðu en þeirri að stefndi efni þá skyldu sem hann er krafinn um í máli.

□ 3. Nú vinnur aðili mál að nokkru og tapar því að nokkru eða veruleg vafaatriði eru í máli, og má þá dæma annan aðilinn til að greiða hluta málskostnaðar hins eða láta hvorn þeirra bera sinn kostnað af málinu. Eins má fara að ef þeim sem tapar máli hvorki var né mátti vera kunnugt um þau atvik sem réðu úrslitum fyrir en eftir að mál var höfðað.

□ 4. Nú eru rekin fleiri dómsmál en eitt sem hefði mátt komast hjá með því að sækja kröfur í þeim öllum í einu máli, eftir atvikum sem gagnkröfum, og má þá lækka málskostnað handa þeim sem vinnur mál af tilliti til þess, sbr. einnig 2. mgr. 27. gr.

■ **131. gr.** 1. Hvernig sem úrslit máls verða má dæma aðila til að greiða gagnaðila sínum málskostnað ef hann hefur:

a. höfðað mál að þarflausu eða án neins tilefnis af hendi gagnaðila,

b. valdið óþörfum drætti á máli af ásetningi eða með skeitingarleysi eða handvömm,

c. haft uppi kröfur, staðhæfingar eða mótbárur sem hann vissi eða mátti vita að væru rangar eða halldausar.

□ 2. Ef sakir skv. 1. mgr. eru miklar má dæma aðila til að greiða gagnaðila álag á málskostnað.

□ 3. Án tillits til málsúrslita má einnig dæma aðila til að greiða sérstaklega þann kostnað sem hann hefur bakað gagnaðila með ráðstöfunum við rekstur máls eða í tengslum við það ef þær voru sýnilega þarflausar eða tilganglausar.

□ 4. Nú hefur umboðsmaður aðila átt þátt í þeim ávirðingum sem getur í 1. og 3. mgr., og má þá dæma hann einan eða samteinlega með aðilanum til að greiða gagnaðila málskostnað, þar á meðal álag skv. 2. mgr., hvort sem þess er krafist í máli eða ekki.

■ **132. gr.** 1. Ef dæma á samaðilum skv. 18. gr. málskostnað skal það að jafnaði gert í einu lagi. Eins skal farið að ef dæma á samaðila til greiðslu málskostnaðar, en þá ábyrgjast þeir greiðslu einn fyrir alla og allir fyrir einn.

□ 2. Nú eru annars fleiri aðilar en einn til sóknar eða varnar í máli og þeim verður dæmdur málskostnaður, og skal hann þá ákveðinn handa hverjum þeirra fyrir sig. Ef dæma á slíksa aðila til greiðslu málskostnaðar skal það að jafnaði gert í einu lagi þannig að þeir ábyrgist greiðslu einn fyrir alla og allir fyrir einn.

■ **133. gr.** 1. Stefnandi getur krafist þess við þingfestingu máls að stefnandi setji tryggingu fyrir greiðslu málskostnaðar ef:

a. stefnandi er búsettur [utan Evrópska efnahagssvæðisins],<sup>1)</sup> [aðildarríkis stofnsamnings Fríverslunarsamtaka Evrópu eða aðildarríkis Haagsamnings um einkamálaréttarfar frá 1. mars 1954]<sup>2)</sup> og menn, sem eru búsettir hér á landi, eru ekki undanþegnir því að setja slíksa tryggingu í heimalandi hans,

b. leiða má líkur að því að stefnandi sé ófær um greiðslu málskostnaðar.

□ 2. Dómari ákveður hvort stefnanda verði gert að setja tryggingu, hverrar fjárhæðar og í hverju formi hún verði og innan hvers frests það skuli gert. Leyst verður úr ágreiningi um þetta í úrskurði.

□ 3. Ef stefnandi setur ekki tryggingu eftir ákvörðun dómarar skal máli vísað frá dómi.

□ 4. Nú hefur maður búsettur hér verið undanþeginn því að leggja fram málskostnaðartryggingu í ríki sem á aðild að

Haagsamningnum um einkamálaréttarfar frá 1. mars 1954 og skal þá úrlausn erlends dómstóls um skyldu hans til að greiða málskostnað eða réttargjöld vera aðfararhæf hér á landi.]<sup>2)</sup>

<sup>1)</sup> L. 97/1999, 1. gr. <sup>2)</sup> L. 53/2008, 4. gr.

## XXII. kafli. Réttarfarssektir.

■ **134. gr.** 1. Dómari ákveður sektir samkvæmt reglum þessa kafla af sjálfsdáðum og renna þær í ríkissjóð.

□ 2. Ef refsing liggur að auki eftir öðrum lögum við broti sem ákvæði þessa kafla taka til má koma henni fram í öðru máli án tillits til ákvörðunar um réttarfarssekt.

■ **135. gr.** 1. Ákveða má sekt á hendur aðila fyrir:

- a. að höfða mál að þarflaus,
- b. að koma gagnaðila að ófyrirsynju í þá aðstöðu að honum var nauðsyn að höfða mál,
- c. að valda af ásetningi óþörfum drætti á mál,
- d. að hafa uppi vísvitandi rangar kröfur, staðhæfingar eða mótbárur,
- e. ósæmileg skrifleg eða munnleg ummæli sem hann hefur uppi fyrir dómi um dómar, gagnaðila, umboðsmann gagnaðila eða aðra menn,
- f. að misbjóða virðingu dóms á annan hátt með framferði sínu í þinghaldi.

□ 2. Umboðsmanni aðila, sem gerist sekur um brot skv. c- til f-lið 1. mgr., má ákveða sekt einum sér eða með aðilanum.

□ 3. Manni, sem gefur skýrslu fyrir dómi, má ákveða sekt fyrir brot gegn e- eða f-lið 1. mgr.

□ 4. Ákveða má sekt á hendur öðrum en þeim sem ákvæði 1.-3. mgr. taka til fyrir að hlýða ekki fyrirskipunum dómarar sem miða að því að halda uppi reglu á dómpingi eða að koma þar annars hneykslanlega eða ósæmilega fram.

□ 5. Fyrir æðra dómi má ákveða sekt á hendur aðila, umboðsmanni hans eða þeim báðum í senn fyrir tilefnislaust málskot.

■ **136. gr.** 1. Ef dómur gengur í málí skal sekt á hendur aðila eða umboðsmanni hans ákveðin þar. Gangi úrskurður um frávísun málss frá dómi skulu sektir á hendur þeim ákveðnar þar. Ef mál er fellt niður skal kveðinn upp sérstakur úrskurður um sekt á hendur aðila eða umboðsmanni hans.

□ 2. Sektur á hendur öðrum skulu ákveðnar í úrskurði jafn-skjótt og brot er framið.

## 6. þáttur. Endurupptaka og málskot.

### XXIII. kafli. Endurupptaka útvistarmáls í héraði.

■ **137. gr.** 1. Nú hefur dómur gengið eða stefna verið árituð skv. 113. gr. í málí þar sem stefndi sótti ekki þing eða þingsókn hans féll niður, og getur þá stefndi beiðst endurupptöku málsins innan þriggja mánaðar frá því málí lauk í héraði, enda berist beiðnin dómara innan mánaðar frá því stefnda urðu málsúrslit kunn.

□ 2. Eftir að þrír mánuðir eru liðnir frá því málí lauk í héraði en innan árs frá því getur stefndi beiðst endurupptöku útvistarmáls ef beiðnin berst dómara innan mánaðar frá því stefnda urðu málsúrslit kunn og stefndi sýnir fram á að einhverju eftirfarandi skilyrða sé fullnægt:

- a. að stefna hafi hvorki verið birt honum né öðrum sem mátti birta fyrir,
- b. að átt hefði að vísa kröfum á hendur honum sjálfkrafa frá dómi að einhverju leyti eða öllu,
- c. að átt hefði að sýkna hann án kröfu að einhverju leyti eða öllu,
- d. að stefndi sé samþykkur endurupptöku.

□ 3. Beiðni um endurupptöku verður ekki sinnt nema stefndi setji áður tryggingu, sem dómari tekur gilda, fyrir greiðslu þess málskostnaðar sem var lagður á hann í dómi eða áritaðri stefnu eða hann sanní að hann hafi greitt málskostnaðinn. Frá þessu má þó víkja með samþykki stefnanda.

□ 4. Stefndi getur ekki beiðst endurupptöku ef stefndi hefur áfrýjað málí til æðra dóms.

□ 5. Pregar frestar skv. 2. mgr. er liðinn verður mál ekki tekio upp í héraði nema eftir ákvörðun Hæstaréttar, sbr. 1. mgr. 157. gr.<sup>1)</sup>

<sup>1)</sup> Nú 167. gr.

■ **138. gr.** 1. Beiðni um endurupptöku skal beint til þess dóms þar sem dómur gekk eða stefna var árituð. Í beiðni skal greint skýrlega frá því hverra breytinga stefndi krefjist á fyrri málsúrslitum og á hverjum málsástaðum, réttarheimildum og sönnunargögnum það sé byggt, svo og hvenær og hvernig stefnda varð kunnugt um málsúrslit. Ef endurupptöku er beiðst skv. 2. mgr. 137. gr. skal að auki rökstutt að einhverju þargreindu skilyrði sé fullnægt. Gögn skulu fylgja beiðni.

□ 2. Ef beiðni er ófullnægjandi eða berst röngum dómi eða dómari telur sýnt að skilyrðum 137. gr. sé ekki fullnægt synjar hann þegar í stað um endurupptöku, en úrskurður skal kveðinn upp um synjunina ef krafist er. Að öðrum kosti boðar dómari báða aðila fyrir dómi til að taka beiðni fyrir.

□ 3. Sæki stefndi ekki þing þegar beiðni hans er tekin fyrir telst hún fallin niður. Sæki stefnandi þing getur dómari úrskurðað honum ómaksþóknun úr hendi stefnda að kröfu hans. Ekki verður þá beiðst endurupptöku öðru sinni.

□ 4. Nú sækir stefndi ekki þing þegar beiðni er tekin fyrir, og verður málid þá endurupptekið og farið með það eftir ákvæðum 2. mgr. 140. gr.

□ 5. Ef báðir aðilar sækja þing þegar beiðni er tekin fyrir getur stefnandi haft uppi mótmæli gegn endurupptöku og skal þá leyst úr þeim með úrskurði áður en lengra er haldið. Að öðrum kosti er mál endurupptekið.

■ **139. gr.** 1. Þegar mál hefur verið endurupptekið getur stefndi krafist þess að dómari kveði á um það í úrskurði að réttaráhrif dóms eða áritunar á stefnu falli niður að einhverju leyti eða öllu þar til málí lýkur á ný í héraði. Dómari metur eftir atvikum hvort eða að hverju leyti efni séu til að verða við slíkri kröfu.

□ 2. Endurupptaka máls hindrar ekki aðför á grundvelli dóms eða áritunar á stefnu nema að því leyti sem krafa stefndi skv. 1. mgr. hefur verið tekin til greina. Úrskurður skv. 1. mgr. haggar ekki gildi aðfarargerðar sem hefur áður farið fram.

□ 3. Upphaflegum dómi í málí verður ekki áfrýjað til æðra dóms eftir að það er endurupptekið nema endurupptöku ljúki með því að dómurinn standi óhaggaður skv. 2. eða 4. mgr. 140. gr. og stefndi áfrýfi.

■ **140. gr.** 1. Þegar endurupptaka er ráðin verður rekstri máls fram haldið eftir reglum pessara laga frá því stigi sem útvist varð af hálfu stefnda, að því leyti sem annað leiðir ekki af ákvæðum þessa kafla.

□ 2. Mál verður ekki fellt niður þótt stefndi sækir ekki þing eftir endurupptöku. Stefndi getur þó fallið þá frá endurupptöku og stendur þá upphafleg úrlausn óhöggud. Annars á stefndi þess þá kost að færa fram varnir og verður málid síðan dæmt á ný eftir framkomnum kröfum og málatilbúnaði aðilanna.

- 3. Ef stefndi sækir ekki þing eftir endurupptökum skal farið svo að sem segir í 3. mgr. 96. gr. Gangi þá útvistardómur á hendur stefnda gilda ákvæði 4. mgr. 96. gr. um heimild hans til að skjóta máli til æðra dóms.
- 4. Nú sækir hvorugur aðila þing eftir endurupptökum, og lýkur þá meðferð málssins þannig að upphafleg úrlausn stendur óhögguð.
- **141. gr.** 1. Nú lýkur máli hvorki skv. 2. eða 4. mgr. 140. gr. né með sátt, og kveður dómarí þá upp nýjan dóm í málunum eftir almennum reglum nema því verði vísað frá dómi með úrskurði. Fellur þá fyrri úrlausn sjálfkrafa úr gildi.
- 2. Gegn mótmælum stefnanda verður því aðeins tekið tillit til krafna, málssástæðna og sönnunargagna sem stefndi færir fram við endurupptökum að einhverju eftirfarandi skilyrða sé fullnægt:
- að útvist stefnda í öndverðu verði talin afsakanleg,
  - að það ylli stefnda réttarspjöllum að ekki yrði tekið tillit til nýrrar kröfu eða málssástæðu hans eða nýrra sönnunargagna,
  - að krafa eða málssástæða lúti að atriði sem dómarí átti að gæta af sjálfsdáðum í upphaflegri úrlausn málss.
- 3. Í dómi eða úrskurði ákveður dómarí málskostnað í einu lagi vegna málssins í heild. Að öðru jöfmu skal stefndi daemdur til að greiða stefnanda allan málskostnað án tillits til þeirrar niðurstöðu sem fast við endurupptökum.
- **142. gr.** 1. Mál verður ekki endurupptekið öðru sinni eftir ákvæðum þessa kafla.
- 2. Stefnandi getur áfrýjað máli til æðra dóms eftir endurupptökum samkvæmt almennum reglum.
- 3. Að fengu áfrýjunarleyfi skv. 154. gr. getur stefndi áfrýjað máli til æðra dóms eftir að dómur hefur gengið við endurupptökum, enda hafi það þá ekki verið útvistardómur á hendur honum.
- XXIV. kaffi. Kæra.**
- **143. gr.** 1. Úrskurðir héraðsdómara um eftirfarandi sæta kæru til Hæstaréttar:
- hvort hann víki sæti í máli,
  - atriði varðandi skýrslugjöf aðila og vitna fyrir dómum,
  - atriði varðandi matsgerðir,
  - skyldu aðila eða vörlumanns til að láta skjal eða annað sýnilegt sönnunargagn af hendi eða veita aðgang að því,
  - synjun um heimild til að afla sönnunargagna fyrir öðrum dómi,
  - synjun um heimild til að afla sönnunargagna án þess að mál hafi verið höfðað,
  - ómakspóknun, málskostnað eða gjafssóknarlau, enda sé ekki kveðið á um annað í úrskurði,
  - að frestur skuli veittur,
  - synjun um endurupptökum málss vegna lögmætra forfalla frá þinghaldi,
  - að máli sé vísað frá dómum,
  - hvort mál verði fellt niður,
  - hvort synjað verði um heimild til að gera dómssátt,
  - synjun um útgáfu stefnu í ógildingar- eða eignardómum máli,
  - synjun um útgáfu stefnu til flýtimeðferðar á máli,
  - málskostnaðartryggingu,
  - réttarfarssekt,
  - hvort dæmt mál verði endurupptekið,
  - hvort réttaráhrif dóms eða áritunar á stefnu falli niður vegna endurupptökum máls.
- 2. Eftir að aðalmeðferð málss er hafin verður úrskurði héraðsdómara ekki skotið til æðra dóms nema úrskurður sé um:
- skyldu vitnis til að koma fyrir dóm eða svara spurningu og vitnið kæri,
  - skyldu þriðja manns til að láta af hendi skjal eða veita aðgang að sýnilegu sönnunargagni og þriðji maður kæri,
  - að máli sé vísað frá dómum,
  - að mál sé fellt niður,
  - synjun um heimild til að gera dómssátt,
  - réttarfarssekt.
- 3. . . .<sup>1)</sup>
- <sup>1)</sup> L. 15/1998, 35. gr.
- **144. gr.** 1. Nú vill maður kæra dómssathöfn, og afhendir hann þá héraðsdómara skriflega kæru áður en tvær vikur eru liðnar frá uppkvaðningu úrskurðar eða dómssathöfn ef hann eða umboðsmaður hans var þá staddur á dómþingi, en ella áður en tvær vikur eru liðnar frá því hann eða umboðsmaður hans fækkt vitneskjum um úrskurð eða dómssathöfn.
- 2. Vitni eða matsmaður, sem er staddur á dómþingi við uppkvaðningu úrskurðar eða dómssathöfn, má þó lýsa yfir kæru munulega og verður þá bókað um hana í þingbók.
- 3. Kæra frestur frekari framkvæmdum á grundvelli úrskurðar þar til leyst er úr máli fyrir æðra dómum.
- **145. gr.** 1. Í kæru skal greina:
- þá dómssathöfn sem er kærð,
  - kröfu um breytingu á henni,
  - ástaður sem kæra er reist á.
- 2. Kæru má styðja við ný sönnunargögn. Vilji kærandi bera ný gögn fyrir sig skal hann greina frá þeim í kæru, svo og því hvað hann hyggst sanna með þeim. Slík gögn skulu fylgja kæru í frumriti eða staðfestu eftirriti.
- 3. Kærandi greiðir héraðsdómara lögmaelt dómgjöld fyrir Hæstarétti.
- **146. gr.** 1. Nú kemur kæra of seint fram, og beinir þá héraðsdómari því til kærandi að taka hana aftur.
- 2. Ef kæra fullnægir ekki ákvæðum 1. mgr. 145. gr. brýnir héraðsdómari fyrir kærandi að bæta úr göllum á henni.
- 3. Nú virðist héraðsdómara kæra á engum rökum reist, og getur hann þá ákveðið eftir kröfu að kærandi beri að setja tryggingu fyrir tjóni sem kæra kann að baka gagnaðila ef hún veldur frestun málssins. Tryggingu skal setja innan tveggja sólarhringa frá því kæru er lýst. Ella verður ekki frekar af kærumáli.
- **147. gr.** 1. Héraðsdómari sendir svo fljótt sem verða má Hæstarétti kæruna ásamt endurritum úr þingbók og öðrum gögnum málssins í fjórriti nema hann kjósi sjálfur að fella kærðan úrskurð úr gildi.
- 2. Héraðsdómara er jafnan heimilt að láta skriflegar athugasemdir sínar um kæruefni fylgia málsgögnum til Hæstaréttar.
- **148. gr.** 1. Þá er kæra er komin fram gefur héraðsdómari gagnaðila kærandi kost á að afhenda sér skriflega greinar- gerð sem geymi kröfur hans og málssástæður sem er byggt á. Honum er heimilt að byggja á nýjum sönnunargögnum og skal þá farið svo að sem segir í 2. mgr. 145. gr.
- 2. Hafi greinargerð skv. 1. mgr. ekki verið afhent héraðsdómara áður en hann sendir Hæstarétti málsgögnum skal henni beint til Hæstaréttar.
- **149. gr.** 1. Aðilar geta sent Hæstarétti greinargerðir sínar og ný skjöl innan viku frá því málsgögnum berast honum. Að þeim tíma liðnum getur Hæstiréttur lagt dóm á kæruefnið, en

jafnan skal þó athuga skjöl sem berast síðar frá aðilum svo framarlega sem málinu er þá ekki lokið.

2. Nú er kæra ekki gerð þannig úr garði sem segir í 1. mgr. 145. gr. eða málatalibúnaður er annars ófullkominn, og getur þá Hæstiréttur lagt fyrir kæranda að bæta úr því sem er ábóvant innan tiltekins frests. Verði kærandi ekki við því getur Hæstiréttur vísað kærumálinu frá sér.

3. Hæstiréttur getur með þeim fyrirvara, sem hann telur hæfilegan, gefið aðilum kost á að flytja kærumálið munlega.

■ 150. gr. 1. Hæstiréttur kveður upp dóm í kærumálinu eftir skjölum þess og munnegum flutningi ef því er að skipta. Dómur skal kveðinn upp svo fljótt sem kostur er.

2. Hæstiréttur kveður á um kærumálskostnað.

3. Að gengnum dómi sendir Hæstiréttur héraðsdómara endurrit dóms. Héraðsdómari tilkynnír aðilum um niðurstöðu kærumáls.

4. Að öðru leyti verður reglum um áfrýjunarmál beitt um kærumál eftir því sem átt getur við.

#### XXV. kaffi. Áfrýjun.

■ 151. gr. 1. [Með þeim takmörkunum sem leiðir af öðrum ákvæðum þessara laga er aðila heimilt að áfrýja héraðsdómi til Hæstaréttar. Við áfrýjun má leita endurskoðunar á úrskurðum og ákvörðunum sem hafa gengið undir rekstri máls í héraði.]<sup>1)</sup>

2. Hafi sakarefni verið skipt í máli skv. 31. gr. verður að áfrýja hverjum dómi fyrir sig áður en lengra er halddið við rekstur þess.

3. Áfrýja má dómi í því skyni að honum verði breytt að efni til eða hann staðfestur, hann verði ómerktur og máli vís-að heim í hérað til löglegrar meðferðar eða máli verði vísað frá héraðsdómi.

4. Heimilt er báðum eða öllum aðilum að áfrýja dómi. Skal málið þá flutt í einu lagi fyrir Hæstarétti.

5. Afsal á rétti til málskots, hvort heldur er berum orðum eða þegjandi, verður ekki gefið fyrri en dómur er genginn í máli í héraði.]<sup>1)</sup>

<sup>1)</sup> L. 38/1994, 5. gr.

■ 152. gr. 1. [Nú varðar mál fjárkröfu og er það þá skilyrði áfrýjunar að fjárhæð hennar nemí 300.000 krónum. Pessari fjárhæð skal breyta um hver áramót miðað við breytingu á lánskjaravísitölu frá 1. júlí 1992, en [ráðherra]<sup>1)</sup> auglýsir í Lögbirtingablaði nýja fjárhæð ekki síðar en 10. desember ár hvert.

2. Áfrýjunarfjárhæð skal ákveða eftir höfuðstól kröfu í áfrýjunarstefnu. Ef fleiri kröfur en ein eru sóttar saman í máli skal leggja þær saman við ákvörðun áfrýjunarfjárhæðar. Hafi gagnkrafa verið höfð uppi til skuldaþafnaðar skal ekki litið til hennar við ákvörðun áfrýjunarfjárhæðar.

3. Ef mál varðar annars konar kröfu en fjárkröfu ákveður Hæstiréttur hvort hagsmuni nír svari til áfrýjunarfjárhæðar. Áður en ákvörðun er tekin getur Hæstiréttur leitað umsagnar málsaðila.

4. Nú nær krafa ekki áfrýjunarfjárhæð eða Hæstiréttur telur hagsmuni ekki nægja til áfrýjunar skv. 3. mgr. og getur hann þá orðið við umsókn um leyfi til að áfrýja máli ef ein-hverju eftirtalinna skilyrða er fullnægt:

a. úrslit málsins hafa verulegt almennt gildi,

b. úrslit málsins varða mikilvæga hagsmuni þess sem leitar áfrýjunarleyfis,

c. ekki er útilokað samkvæmt fyrirliggjandi gögnum að dómi kunni að verða breytt svo að einhverju nemí.]<sup>2)</sup>

<sup>1)</sup> L. 162/2010, 126. gr. <sup>2)</sup> L. 38/1994, 6. gr.

■ 153. gr. 1. [Dómi verður áfrýjað til Hæstaréttar innan þriggja mánaða frá uppkvaðningu hans.

2. Hæstiréttur getur orðið við umsókn um leyfi til að áfrýja dómi sem berst næstu þrjá mánuði eftir lok frests skv. 1. mgr. ef skilyrðum 4. mgr. 152. gr. er fullnægt, enda sé dráttur á áfrýjun nægilega réttlættur.

3. Nú áfrýjar aðili dómi og er gagnaðila þá heimilt að gagnáfrýja án tillits til áfrýjunarfrests, en stefnu til gagnáfrýjunar verður að gefa út meðan hann nýtur enn frests til að leggja fram greinargerð fyrir Hæstarétti, sbr. 1. mgr. 158. gr.

4. Ef mál, sem hefur verið áfrýjað til Hæstaréttar innan frests skv. 1.–3. mgr., verður ekki þingfest, það fellur þar niður eða því er vísað þaðan frá dómi er aðila heimilt að skjóta því þangað aftur þótt áfrýjunarfrestur sé þá liðinn. Ber þá að fá áfrýjunarfrestnu gefna út á ný innan fjögurra vikna frá því málið átti að þingfesta eða uppkvaðningu dóms um niðurfellingu þess eða frávísun. Pessari heimild verður ekki beitt oftar en einu sinni í máli.]<sup>1)</sup>

<sup>1)</sup> L. 38/1994, 7. gr.

■ 154. gr. 1. [Sá sem leitar áfrýjunarleyfis skv. 152. eða 153. gr. skal senda Hæstarétti skriflega umsókn um það ásamt áfrýjunarstefnu sem hann vill fá gefna út og endurriti héraðsdóms. Í umsókninni skal rökstut ítarlega hvernig umsækjandi telur skilyrðum fyrir áfrýjunarleyfi fullnægt.

2. Hæstiréttur getur gefið öðrum málsaðilum kost á að tjá sig um umsókn áður en ákvörðun er tekin.

3. Synji Hæstiréttur um áfrýjunarleyfi getur sami aðili ekki sótt um það öðru sinni.

4. Nú er áfrýjunarleyfi veitt og skal þá gefa út áfrýjunarstefnu sem fylgdi umsókn og árita hana um leyfisveitinguna. Hæstiréttur verður ekki krafinn um rökstuðning fyrir þeirri ákvörðun.

5. Ef synjað er um áfrýjunarleyfi skal þeim sem sótti um það tilkynnt bréflega um þá niðurstöðu. Í tilkynningunni skal greint frá ástæðum fyrir synjuninni.]<sup>1)</sup>

<sup>1)</sup> L. 38/1994, 8. gr.

■ 155. gr. 1. [Nú vill aðili áfrýja dómi og leggur hann þá fyrir [skrifstofu Hæstaréttar]<sup>1)</sup> áfrýjunarstefnu ásamt endurriti af dóminum. Í áfrýjunarstefnu skal greina:

a. heiti og númer sem málið bar fyrir héraðsdómi, fyrir hverjum héraðsdómstóli var leyst úr málinu og hvenær dómur var kveðinn upp í því,

b. nöfn aðila, kennitölu og heimili eða dvalarstað, svo og nöfn fyrirsvarsmanna þeirra, ef því er að skipta, stöðu þeirra og heimili eða dvalarstað,

c. hver eða hverjir flytji málið fyrir áfrýjanda,

d. í hverju skyni áfrýjað er og hverjar dómkröfur áfrýjandi gerir,

e. hvenær stefndi verði í síðasta lagi að tilkynna Hæstarétti að hann hafi í hyggju að halda uppi vörnum í málinu, en [skrifstofa Hæstaréttar]<sup>1)</sup> ákeður dagsetningu í þessu skyni við útgáfu stefnu,

f. hverju það varði að stefndi komi ekki fram tilkynningu skv. e-lið.

2. Afhenda skal [skrifstofu Hæstaréttar]<sup>1)</sup> tvö eintök af áfrýjunarstefnu sem Hæstiréttur fær halddið eftir.

3. [Synjað skal um útgáfu áfrýjunarstefnu ef hún telst ekki vera í réttu horfi.]<sup>1)</sup> Sé áfrýjunarfrestur að renna út getur hann ákveðið skamman frest handa áfrýjanda til að bæta úr áfrýjunarstefnu og má þá gefa hana út án áfrýjunarleyfis ef henni er framvísað til útgáfu á ný í réttu horfi innan þess tíma þótt áfrýjunarfrestur sé þá liðinn. Frestur í þessu skyni skal ekki

vera lengri en ein vika og verður aðeins veittur í eitt skipti. Áfrýjandi getur krafist ákvörðunar Hæstaréttar um synjun ...<sup>1)</sup> um útgáfu áfrýjunarstefnu.

4. [Skrifstofa Hæstaréttar]<sup>1)</sup> gefur út áfrýjunarstefnu í nafni dómsins.

5. Áfrýjunarstefnu verður að birta ekki síðar en viku áður en frestur handa stefnda skv. e-lið 1. mgr. er á enda. Að öðru leyti gilda ákvæði XIII. kafla um birtingu áfrýjunarstefnu.]<sup>2)</sup>

<sup>1)</sup> L. 15/1998, 36. gr. <sup>2)</sup> L. 38/1994, 9. gr.

■ **156. gr.** 1. [Eftir birtingu áfrýjunarstefnu en áður en fresti stefnda skv. e-lið 1. mgr. 155. gr. lýkur skal áfrýjandi afhenda Hæstarétti stefnuna ásamt sönnun fyrir birtingu hennar, svo og greinargerð af sinni hálfu. Einnig skal hann þá skila málsgögnum í þeim fjölda eintaka sem Hæstiréttur ákveður, en til peirra teljast þau málsskjöl og endurrit sem áfrýjandi hyggst byggja mál sitt á fyrir Hæstarétti og liggja þegar fyrir. Mál er þá þingfest fyrir Hæstarétti.

2. Í greinargerð áfrýjanda skal koma fram:

a. Í hverju skyni sé áfrýjað og hvers áfrýjandi krefjist nákvæmlega fyrir Hæstarétti, svo og hvort einnig sé áfrýjað til að fá hnekkt tilteknunum úrskurði eða ákvörðun héraðsdómar.

b. Málsástæður sem áfrýjandi ber fyrir sig fyrir Hæstarétti. Lýsing þeirra skal vera gagnorð og svo skýr að ekki fari milli mála á hverju áfrýjun sé byggð, en eftir atvikum getur áfrýjandi vísað um þær til tiltekinna skjala málssins. Felli áfrýjandi sig ekki við lýsingu annarra atvika í héraðsdómi skal hann á sama hátt greina frá hvernig hann telji þeim réttilega lýst.

c. Tilvísun til helstu réttarreglna sem áfrýjandi byggir málatalibúnað sinn á fyrir Hæstarétti.

d. Gögn sem áfrýjandi leggur þegar fram fyrir Hæstarétti, svo og gögn sem hann telur sig þurfa að afla eftir þann tíma.

3. Pegar mál hefur verið þingfest beinir [skrifstofa Hæstaréttar]<sup>1)</sup> því til héraðsdómstólsins, þar sem var leyst úr máli, að afhenda Hæstarétti dómsgerðir.

4. Hæstiréttur setur nánari reglur um frágang málsgagna og dómsgerða.]<sup>2)</sup>

<sup>1)</sup> L. 15/1998, 36. gr. <sup>2)</sup> L. 38/1994, 10. gr. Rg. 461/1994 og 463/1994.

■ **[157. gr.** 1. Nú lætur áfrýjandi undir höfuð leggjast að afhenda Hæstarétti áfrýjunarstefnu, greinargerð eða málsgögn samkvæmt fyriðum 156. gr. og verður þá ekki frekar af máli.

2. Ef ekki er sótt þing af hálfu áfrýjanda á síðara stigi verður málið fellt niður með dómi. Hafi stefndi skilað greinargerð í málinu má dæma honum málkostnað úr hendi áfrýjanda.]<sup>1)</sup>

<sup>1)</sup> L. 38/1994, 11. gr.

■ **[158. gr.** 1. Nú hyggst stefndi skila greinargerð í máli, og skal þá bréfleg tilkynning hans um það berast Hæstarétti innan frests sem honum var settur í þessu skyni í áfrýjunarstefnu. Þegar mál er þingfest ákveður [skrifstofa Hæstaréttar]<sup>1)</sup> stefnda frest í fjórar til sex vikur til að skila greinargerð og sendir honum eintak af málsgögnum áfrýjanda. Áfrýjanda skal tilkynnt um þann frest sem stefndi er veittur.

2. Gagnáfrýjun veitir ekki stefndi rétt til sjálfstæðs frests.

3. Berist Hæstarétti ekki tilkynning skv. 1. mgr. eða skili stefndi ekki greinargerð innan þess frests sem honum hefur verið settur skal lítið svo á að hann krefjist staðfestingar héraðsdóms. Skal málið þá dómtekið, en fyrst má þó veita áfrýjanda skamman frest til að ljúka gagnaöflun sem hann hefur boðað í greinargerð. Hæstiréttur kveður upp dóm í málinu á grundvelli fyrirliggjandi gagna án munlegs flutnings.

4. Hafi stefndi skilað greinargerð en þingsókn fellur niður af hans hálfu á síðara stigi máls má gefa áfrýjanda kost á að svara vörnum hans í skriflegri sókn og ljúka gagnaöflun. Skal málið síðan dómtekið og dómur lagður á það eftir framkomnum kröfum, gögnum og sókn áfrýjanda með tilliti til þess sem hefur komið fram af hálfu stefnda.

5. Nú hefur stefndi ekki skilað greinargerð og getur þá Hæstiréttur allt að einu heimilað honum að taka til varna í máli með eða án samþykkis áfrýjanda, enda séu miklir hagsmunir í húfi fyrir hann og vanraeksla hans þyki afsakanleg. Eins má fara að ef þingsókn stefnda fellur niður á síðara stigi máls.]<sup>2)</sup>

<sup>1)</sup> L. 15/1998, 36. gr. <sup>2)</sup> L. 38/1994, 12. gr.

■ **[159. gr.** 1. Í greinargerð stefnda skal koma fram:

a. hver eða hverjir flytji málið fyrir stefnda,

b. kröfugerð stefnda, en í þeim efnum skal skýrlega tekið fram hvort og þá hvers vegna hann breytí kröfum frá þeim sem hann gerði í heraði, svo og hvort hann samþykki kröfur áfrýjanda í einhverjum atriðum og þá nákvæmlega hverjum,

c. málsástæður sem stefndi ber fyrir sig fyrir Hæstarétti, en lýsing þeirra skal vera gagnorð og svo skýr að ekki fari milli mála á hverju hann byggi. Felli stefndi sig ekki við lýsingu annarra atvika máls í héraðsdómi eða eftir atvikum áfrýjunarstefnu skal hann geta á sama hátt hvernig hann telji atvikum réttilega lýst,

d. tilvísun til helstu réttarreglna sem stefndi byggir málatalibúnað sinn á fyrir Hæstarétti,

e. athugasemdir við málatalibúnað áfrýjanda ef þeirra er þörf,

f. gögn sem stefndi telur sig þurfa að afla síðar.

2. Með greinargerð skal stefndi afhenda málsgögn í þeim fjölda eintaka sem Hæstiréttur ákveður, en til peirra teljast þau málsskjöl og endurrit sem hann hyggst byggja mál sitt á fyrir Hæstarétti og liggja þegar fyrir, enda hafi áfrýjandi ekki þegar afhent þau.

3. Ákvæði 4. mgr. 156. gr. gilda um málsgögn stefnda.]<sup>1)</sup>

<sup>1)</sup> L. 38/1994, 13. gr.

■ **[160. gr.** 1. Áfrýjanda skal tilkynnt þegar Hæstarétti hafa borist greinargerð og málsgögn stefnda og sent eintak af þeim. Hafi aðilar ekki þegar lýst gagnaöflun lokið skal þeim um leið veittur sameiginlegur frestur til frekari gagnaöflunar. Sá frestur skal að jafnaði ekki vera lengri en einn mánuður. Hvor aðili um sig skal afhenda í einu lagi ný gögn sín í frumrít og ljósrit eða eftirrit þeirra í sama búningi og segir í 156. og 159. gr. Hæstiréttur tilkynnir aðilum um gögn sem berast innan þessa frests, en að honum liðnum telst gagnaöflun sjálfkrafa lokið nema áður hafi verið fallist á skriflega ósk aðila um lengri frest eða dómurinn beinir því síðar til aðila að hann megi afla tiltekinna gagna. Hæstiréttur getur þó heimilað aðila að leggja fram ný gögn eftir lok gagnaöflunar ef ekki var unnt að afla þeirra fyrr eða atvik hafa breyst svo að máli skiptir eftir þann tíma.

2. Strax og gagnaöflun er lokið skal hvor aðili um sig tilkynna Hæstarétti hve langan tíma hann áætli að hann þurfi til að flytja munnlega málflutningsræðu í málinu.

3. Ef þörf krefur tekur Hæstiréttur mál fyrir á dómþingi til að ráða til lykta atriðum varðandi rekstur þess. Skulu aðilar kvaddir fyrir dóm með hæfilegum fyrirvara í þessu skyni.]<sup>1)</sup>

<sup>1)</sup> L. 38/1994, 14. gr.

■ **[161. gr.** 1. Þegar gagnaöflun er lokið í máli þar sem stefndi skilar greinargerð ákveður Hæstiréttur hvenær það

verði flutt og tilkynnir aðilum um það með hæfilegum fyrirvara.

□ 2. Að jafnaði skal flytja mál um formsatriði þess áður en það verður tekið til frekari meðferðar að efni til. Hæstiréttur getur þó ákvæðið að mál verði flutt í einu lagi um formsatriði og efni eða að taka formsatriði máls til úrlausnar án sérstaks málflutnings, enda hafi aðilar þá áður átt kost á að tjá sig um það.

□ 3. Ef stefndi hefur skilað greinargerð í máli verður það flutt munnlega. Hæstiréttur getur þó ákvæðið að mál verði skriflega flutt ef sérstakar ástæður mæla með því. Hæstiréttur getur einnig tekið til greina samhljóða óskir aðila um að málid verði dómtekið án sérstaks málflutnings.

□ 4. Um leið og boðað er til málflutnings getur Hæstiréttur beint til aðila að þeir afhendi hvor um sig með tilteknun fyrirvara stutt yfirlit um atvik máls í tímaröð, málsástæður sínar og tilvísanir til réttarreglna, svo og um tilvitnanir í fræðirit og dóma sem þeir hyggjast styðjast við í málflutningi.

□ 5. Hæstiréttur getur takmarkað ræðutíma aðila við munnlegan flutning máls. Þegar boðað er til málflutnings má taka fram hve langan tíma aðilar fá hvor um sig til umráða.]<sup>1)</sup>

<sup>1)</sup> L. 38/1994, 15. gr.

■ [162. gr. 1. Áður en munnlegur málflutningur hefst á dómþingi skal gerð grein fyrir dómsordi heraðsdóms og áfrýjunarstefnu að því leyti sem forseti telur þess þörf til skýringar á málflutningi. Að því loknu verða málflutningsraður fluttar.

□ 2. Frumræða verður fyrst flutt af hálfu áfrýjanda og síðan af hálfu stefnda nema forseti hafi ákvæðið aðra röð og aðilum verið það tilkynnt við boðun til málflutnings. Eftir frumræður skal gefinn kostur á að fram komi stutt andsvör af hálfu hvors aðila í sömu röð. Flytti málflutningsumboðsmaður málið af hálfu aðila getur forseti heimilað aðilanum sjálfum að koma að stuttum athugasemnum að loknum andsvörum umboðsmanns hans.

□ 3. Í málflutningi skal gera grein fyrir kröfum, í hverju ágreiningsefni aðilanna felast, málsástæðum og öðrum röksemendum fyrir kröfum. Skal forðast málalengingar og málflutningi beint að þeim atriðum sem ágreiningur er um eða nauðsynlegt er að fjalla um til að varpa ljósi á ágreiningsefni.

□ 4. Forseti stýrir þinghaldi. Hann getur krafist að málflytandi haldi sig við efnið og láti vera að fjalla um þá þætti máls sem ágreiningur er ekki um eða ástæðulaust er af öðrum sökum að gera frekari grein fyrir. Forseti getur stöðvað málflutning ef ræður verða langar úr hófi fram eða sett honum tímatak mörk og við þau bundið enda á málflutning.

□ 5. Að loknum málflutningi tekur Hæstiréttur málið til dóms.]<sup>1)</sup>

<sup>1)</sup> L. 38/1994, 16. gr.

■ [163. gr. 1. Dómar Hæstaréttar skulu byggðir á því sem hefur komið fram í máli og er sannað eða viðurkennt. Ákvæði 111. gr. gilda um dóma Hæstaréttar.

□ 2. Nú hefur aðili borið fram kröfur eða málsástæður sem hann hafði ekki uppi í heraði og getur þá Hæstiréttur byggt á þeim við úrlausn máls ef þær hafa komið fram í greinargerð aðilan, grundvelli máls er ekki raskað á þann hátt, afsakanlegt er að þær voru ekki hafðar uppi í heraði og það yrði aðilanum til réttarspjalla að ekki yrði tekið tillit til þeirra.]<sup>1)</sup>

<sup>1)</sup> L. 38/1994, 17. gr.

■ [164. gr. 1. Að því leyti sem þarf að taka afstöðu til at riða varðandi rekstur máls fyrir Hæstirétti ræður hann þeim til lykta með ákvörðun, hvort sem ágreiningur er um þau milli

aðila eða ekki, enda leiði ákvörðunin ekki til loka máls fyrir dóminum. Ákvörðun verður ekki rökstudd sérstaklega, en um efni hennar skal getið í þingbók eftir þörfum.

□ 2. Úr öðrum atriðum máls leysir Hæstiréttur með dómi. Ef mál er fellt niður eða því er vísað frá Hæstarétti skal aðeins getið um ástæður þess í domi, svo og um málskostnað ef því er að skipta. Sama gildir ef heraðsdómur er ómerktur og máli vísað heim eða því er vísað frá heraðsdómi.

□ 3. Sé kveðið á í domi um önnur málalok en getur í 2. mgr. skal greina þar frá kröfum aðila eftir því sem þörf er á svo að niðurstaða verði skýr. Að því leyti sem greinargerð um málsatvik er ábótavant í heraðsdómi skal bætt úr því í domi Hæstaréttar. Ef og að því leyti sem niðurstöðu heraðsdóms er breytt skal það rökstutt í domi Hæstaréttar. Fallist Hæstiréttur á niðurstöðu heraðsdóms en ekki á röksemadir fyrir henni getur hann greint frá rökum sínum eftir því sem þykir þörf.

□ 4. Um dóma Hæstaréttar gilda að öðru leyti ákvæði 114. gr. eftir því sem getur átt við.]<sup>1)</sup>

<sup>1)</sup> L. 38/1994, 18. gr.

■ [165. gr. 1. Dóm skal kveða upp svo fljótt sem er unnt eftir að mál er dómtekið og aldrei síðar en þegar fjórar vikur eru liðnar frá því. Verði því ekki komið við og hafi mál verið munnlega flutt skal endurtaka málflutning að því leyti sem Hæstarétti þykir nauðsynlegt.

□ 2. Strax eftir dómtökum máls skulu dómarar ræða með sér fyrir luktum dyrum röksemadir og niðurstöðu dóms. Fyrir málflutning felur forseti einum dómara að vera frummælandi á þeim fundi, en forseti stýrir þar ráðagerðum, ber fram spurningar, stuðlar að því að álit hvers dómara komi þar sem skýrast fram og telur atkvæði þeirra. Afl atkvæða ræður úrslitum. Að lokinni umræðu felur forseti frummælandanum að semja atkvæði að domi. Greinist dómarar í meiri og minni hluta semur frummælandinn atkvæði fyrir þann hluta sem hann heyrir til, en hinir dómararnir ákvæða hver þeirra semji atkvæði þeirra. Dómar, sem greiðir atkvæði með ómerkingu heraðsdóms eða frávísun máls og verður í minni hluta, verður einnig að greiða atkvæði um efni máls. Dómarar ganga í sameiningu frá domi, með eða án sératkvæða.

□ 3. Við uppkvaðningu dóms skal lesa upp dómsord í heyranda hljóði á dómþingi eftir því sem þörf þykir. Ef sératkvæði er í domi skal pess einnig getið.

□ 4. . . . ]<sup>2)</sup>

<sup>1)</sup> L. 15/1994, 35. gr. <sup>2)</sup> L. 38/1994, 19. gr.

■ [166. gr. Um meðferð áfrýjunarmála fer að öðru leyti eftir reglum þessara laga um meðferð mála í heraði eftir því sem á við.]<sup>1)</sup>

<sup>1)</sup> L. 38/1994, 20. gr.

## XXVI. kaffi. Endurupptaka óáfrýjaðs máls.

■ [167. gr.]<sup>1)</sup> 1. Nú hefur heraðsdómur gengið í máli, sem hefur ekki verið áfrýjað, og áfrýjunarfrestur er liðinn, og getur þá Hæstiréttur orðið við beiðni um að málið verði endurupptekið í heraði ef eftirfarandi skilyrðum er fullnægt:

a. sterkar líkur eru leiddar að því að málsatvik hafi ekki verið leidd rétilega í ljós þegar málið var til meðferðar í heraði og aðilanum verður ekki kennt um það,

b. sterkar líkur eru leiddar að því að ný gögn muni verða til breyttrar niðurstöðu í mikilvægum atriðum,

c. önnur atvik mæla með því að leyfið verði veitt, þar á meðal að stórfelldir hagsmunir aðilanum séu í húfi.

□ 2. Aðili getur ekki afsalað sér rétti til að beiðast endurupptöku.

<sup>1)</sup> L. 38/1994, 21. gr.

■ [168. gr.]<sup>1)</sup> 1. Skriflegrí beiðni um endurupptöku skal beint til Hæstaréttar. Í henni skal rökstyðja ítarlega þær ástæður sem þykja standa til endurupptöku og skulu gögn fylgja henni eftir þörfum.

□ 2. Ef beiðni er bersýnilega ekki á rökum reist synjar Hæstiréttur þegar í stað um endurupptöku. Að öðrum kosti verða beiðnin og fylgigögn send gagnaðila og hann krafinn um skriflega greinargerð um viðhorf sín innan tiltekins frests.

□ 3. Hæstiréttur ákveður hvort af endurupptöku verði. Fallist Hæstiréttur á beiðni skal hann um leið taka afstöðu til þess hvort áhrif fyrri dóms falli niður meðan málið er rekið. Endurupptaka hindrar ekki aðför eftir dómi nema áhrif hans séu feldl niður með þessum hætti.

□ 4. Nú hefur endurupptaka verið ákveðin en útvist verður við nýja meðferð málssins í héraði af hendi þess sem beiddist hennar, og fellur þá frekari meðferð málssins niður þannig að fyrri dómur stendur óhaggaður. Dómur skal hins vegar felldur á málið þótt gagnaðili sækí ekki þing.

□ 5. Að öðru leyti fer meðferð málssins fram á ný í héraði eftir reglum þessara laga.

<sup>1)</sup> L. 38/1994, 21. gr.

#### [XXVII. kaffi. Endurupptaka málss sem hefur verið dæmt í Hæstarétti.]<sup>1)</sup>

<sup>1)</sup> L. 38/1994, 22. gr.

■ [169. gr.] 1. Hæstiréttur getur leyft samkvæmt umsókn aðila að mál, sem þar hefur verið dæmt, verði tekið þar til meðferðar og dómsuppsögu á ný ef eftirfarandi skilyrðum er fullnægt:

a. sterkar líkur eru leiddar að því að málssatvik hafi ekki verið leidd réttilega í ljós í Hæstarétti þegar málið var þar til meðferðar fyrra skiptið og aðilanum verður ekki kennt um það,

b. sterkar líkur eru leiddar að því að ný gögn muni verða til breytrar niðurstöðu í mikilvægum atriðum,

c. önnur atvik mæla með því að leyfið verði veitt, þar á meðal að stórfelldir hagsmunir aðilans séu í húfi.

□ 2. Aðili getur ekki sótt um endurupptöku málss skv. 1. mgr. nema einu sinni. Að öðru leyti getur aðili ekki afsalað sér rétti til að beiðast endurupptöku.

□ 3. Ákvæði 1.–3. mgr. 168. gr. gilda um umsókn um endurupptöku, meðferð umsóknar, ákvörðun um hana og áhrif endurupptöku.

□ 4. Nú hefur endurupptaka verið ákveðin en útvist verður við nýja meðferð málssins fyrir Hæstarétti af hendi þess sem beiddist hennar og fellur þá frekari meðferð málssins niður þannig að fyrri dómur stendur óhaggaður. Dómur skal hins vegar felldur á málið þótt gagnaðili sækí ekki þing.

□ 5. Að öðru leyti fer meðferð málssins fram á ný fyrir Hæstarétti samkvæmt reglum XXIV. eða XXV. kafla þessara laga eftir því sem á við.]<sup>1)</sup>

<sup>1)</sup> L. 38/1994, 22. gr.

#### 7. þáttur. Ýmis ákvæði.

#### [XXVIII. kaffi.]<sup>1)</sup> Gildistaka, brottafall laga o.fl.

<sup>1)</sup> L. 38/1994, 23. gr.

■ [170. gr.]<sup>1)</sup> Lög þessi öðlast gildi 1. júlí 1992.

<sup>1)</sup> L. 38/1994, 23. gr.

■ [171. gr.]<sup>1)</sup> ...

<sup>1)</sup> L. 38/1994, 23. gr.

■ [172. gr.]<sup>1)</sup> ...

<sup>1)</sup> L. 38/1994, 23. gr.

■ [173. gr.]<sup>1)</sup> ...

<sup>1)</sup> L. 38/1994, 23. gr.

#### [XXIX. kaffi.]<sup>1)</sup> Ákvæði til bráðabirgða.

<sup>1)</sup> L. 38/1994, 23. gr.

■ [174. gr.]<sup>1)</sup> ...

<sup>1)</sup> L. 38/1994, 23. gr.

■ [175. gr.]<sup>1)</sup> ...

<sup>1)</sup> L. 38/1994, 23. gr.

■ [176. gr.]<sup>1)</sup> ...

<sup>1)</sup> L. 38/1994, 23. gr.

■ [177. gr.]<sup>1)</sup> 1. Ákvæði 4. mgr. 96. gr. breyta því ekki að áfrýja má útvistarmáli til æðra dóms ef dómur er kveðinn upp í því fyrir 1. júlí 1992. Gangi dómur í útvistarmáli eftir gildistöku þessara laga verður máli ekki áfrýjað þótt það hafi verið þingfest fyrir þann tíma, en beita má ákvæðum XXIII. kafla til endurupptöku slíks málss í héraði.

□ 2. Hafi áskorunartefna verið árituð um aðfararhæfi að hætti eldri laga fyrir gildistöku þessara laga má krefjast endurupptöku málss í héraði eftir ákvæðum XXIII. kafla. Áskorunarmáli verður ekki áfrýjað til æðra dóms eftir gildistöku þessara laga.

□ 3. Hafi mál verið þingfest sem áskorunarmál fyrir 1. júlí 1992 og því lýkur með áritun skv. 113. gr. gilda ákvæði 4. mgr. 96. gr. um það.

□ 4. Ákvæði XXVI. kafla gilda án tillits til þess hvenær dómur hefur gengið í máli.

<sup>1)</sup> L. 38/1994, 23. gr.

■ [178. gr.]<sup>1)</sup> ...

<sup>1)</sup> L. 38/1994, 23. gr.

■ [179. gr.]<sup>1)</sup> Áskorunartefna, sem hefur verið árituð um aðfararhæfi fyrir gildistöku þessara laga, hefur sömu áhrif og áritun á stefnu skv. 113. gr.

<sup>1)</sup> L. 38/1994, 23. gr.

■ [180. gr.]<sup>1)</sup> Nú hefur skuldabréf, sem er gefið út fyrir 1. júlí 1992, að geyma ákvæði um að mál vegna þess megi reka eftir XVII. kafla laga nr. 85/1936, og jafngildir það þá sammangi um að slíkt mál verði rekið eftir reglum XVII. kafla þessara laga.

<sup>1)</sup> L. 38/1994, 23. gr.

■ [181. gr.]<sup>1)</sup> ...

<sup>1)</sup> L. 38/1994, 24. gr.

■ [182. gr.]<sup>1)</sup> Nú hefur aðila verið veitt gjafssókn fyrir héraðsdómi á grundvelli b-liðar 1. mgr. 126. gr. laga nr. 91/1991 fyrir gildistöku laga þessara og skal þá heimilt að veita honum gjafssókn vegna sama málss fyrir Hæstarétti, gangi það þangad.]<sup>1)</sup>

<sup>1)</sup> L. 7/2005, 3. gr.